



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.446







Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.446




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.446





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.446






2.6.446







2. 6. 446.

20.6

B II

114

XXXVII

CIACON

A. Franc. Marm.

1600

1600

Al Vate D. Dominio Egli
Francesco Des. Marmis

HISTORIA CEVVERISSIMA

à calumnijs multorum vindicata,

QVAE REFERT M. VLPII TRAIANI AVGVSTI
animam precibus Diui GREGORII Pontificis Romani
à tartareis cruciatibus ereptam.

QVOD D. HIERONYMVS STRIDONENSIS
S. R. E. Presbyter fuit Cardinalis tractatus duo, alter locupletior
Secundo, alter nunc primum editus.

AVCTORE F. ALFONSO CIAZONE
HISPANO BIACENSI,

Doctore Theologo instituti Prædicatorum, & Ro-
mani Pontificis Pœnitentiario.

AD SANCTISSIMVM D. NOSTRVM
GREGORIVM XIII.

CVM PRIVILEGIO.

Baldv Angeli Abbate



VENETIIS,

Apud Dominicum Nicolinum.
M D LXXXIII.

THIS TORIA
CEV VERISSIMA

177
GREGORIO XIII.

PONT. OPT. MAX.

F. ALFONSVS CIACON,

minor suus Pœnitentiarius, omni-

modam, felicitatem

precatur.



*D*IXIT *me torſit,*
BEATISſIME
PATER, cunctos
fermè Chriſtianos autho-
res, qui *Vrbis Romæ* hi-
ſtorias tradidere, id ſum-
mopere curaffe, ut vete-
ris *Vrbis* ſimulachra, ornamenta, ruinasque
deſcriberent, monumenta autem religionis,
quæ innumera prope, inibi reperiuntur, ſilen-
tio præteriſſe: nam duram eſt creditu ne-
glexiſſe quaſi ſacra non longiſſimè præſtarent
profanis, aut profana digna ex ulla parte eſ-
ſent, quæ cum ſacris conferrentur. Quod in cau-
ſa præcipue fuit, ut rerum memorãdarum uix
ſit aliquod veſtigium relictum, aut ulla inter

*

2

homines

homines nostri seculi memoria extet; cum pluri-
ma, inter tot Urbis direptiones & incendia perie-
rint: bonam partem, quæ superfuit, similibus ia-
cturis expositam, parem aliquando calamita-
tem passuram timeamus, nisi mature in litera-
rum monumenta translata, perpetuitatem a-
liquam fuerint adeptæ. Quot enim Urbis Ba-
silicas, magnificentissima templa, martyrum, a-
liorumq; sanctorum reliquias, translationum
ipsorum instrumenta, aut tempus rerum edax
nō absumpsit, aut barbarus hostis nō vastauit,
diripuit, incendit, & dispersit? Quotus enim exi-
stet, non dico exterus, sed ciuis etiam, urbis ve in-
cola, qui vniuersos sanctorum thesauros passim
in adibus sacris reconditos norit, rerumq; om-
nium sacrarum notitiam sit uel mediocrem as-
sequutus? Nihil magis Romani votis conci-
piunt, quàm rerum piarum, quas penes se fre-
quentissimas habent, exactam cognitionem adi-
pisci; nihil magis exteri exoptant, quibus præ-
cipuè non est Romam adeundi facultas: ea-
rum enim rerum notitia plenius & clarius
adepta desiderium, cuiusque accenderetur
magis, Urbem sacraq; ipsius loca inuisendi.

Hinc

Hinc versus eam ingētiore excitaretur affectus,
 & ad pietatem, religionemq; tenacius retinen-
 dam inducerentur, facie præsertim Pontificis
 visa, cuius conspectus solet plerunque viris pijs
 summam reuerentiam submissionem & gra-
 tiam conciliare. Multò enim fortius præsen-
 tia mouent, quàm quæ absentia referuntur. Pro-
 inde BEATISSIME PATER, de Vr-
 bis ornamentis sacris, colligendis, & ad præsen-
 tium posterorumque memoriam refricandam
 in unum redigendis studiosè incubui. Annum
 enim integrum, duobus scriptoribus comitatus
 in ea re insumpsi, trecentis Basilicis, templis, lo-
 cisq; alijs sacris, diligenter perlustratis, (toti-
 dem enim hodie in Vrbe, ex plurimis supersunt.)
 ex archiuis, protocollis, vetustis instrumentis,
 marmoreis lapidibus, veterum, recentiumque
 historiarum, præsertim ecclesiasticarum monu-
 mentis, quid ubique suo tempore locorum illo-
 rum gestum, quæ illorum origo, erectio, dedica-
 tioq; prima extiterit, quæ martyrum & alio-
 rum sanctorum exuuiæ, vel ab initio inibi re-
 conditæ, vel aliunde translata: qui viri sancti-
 monia, dignitate, genere, doctrina, militia, arte-
 ve alia

ve alia clari & insignes inibi sepulti, cum ipso-
rum elogijs & epitaphijs adiunctis, ut nihil ul-
tra scitu dignum ex ijs locis desiderari possit: ut
res Urbis sacra ita eo ordine cunctis innotesce-
rent, & ad posteritatem facilius & magis
integra pervenirent. Verum quia labor hic,
gratus ne, an ingratus tuae Beatitudini sit futu-
rus ignoro, tandiu illum differendum & matu-
randum censui, quandiu tuus non assensus acce-
deret. Interim tamen, ne vacuus coram cle-
mentissimo Principe comparerem, munuscu-
lum offero exiguitati ingenioli mei non absimi-
le. Verum quia in gloriam Diui Gregorij ce-
dit, non omnino conspectu tuae sanctitatis indi-
gnum. Historiam enim illam continet diligen-
tius solito tractatam, Traiani Caesaris animam
à cruciatibus tartareis, precibus Diui Gregorij
ereptam. Quam licet nonnulli perperam la-
cerent, falsitatisque traducant: ego pro virili
ceu verissimam gravissimorum authorum te-
stimonijs tueor, singulisque obiectionibus satis-
facio. Cum autem singularem affectum erga
illum virum sanctissimum geras, non dubium
quine ea res sit tibi gratissima futura. praesertim
eius,

V

eius, cuius nomen felix & faustum bonique ho-
minis, successor in sede Pontificia factus, si-
milque mores imbuiſti: dum ſummum ſtu-
dium in pietate, religioneque Chriſtiana, ubi-
que terrarum dilatanda, diſidijsque hæreti-
corum circa ipſam exortis, componendis adhi-
beas, gratiſſimam cunctis aurem prabeas, au-
ſcultesque ſingulos benigniſſime, in agendis pru-
dentiâ & dexteriâ, in diſcernendo acre
iudiciû, in diſtribuendis eccleſiaſticis ſacer-
dotijs iuſtitiam & aequitatem, in rebus omni-
bus modeſtiam cuncti admirentur; adeo ut li-
terati & probi, nullum Pontificatum aut ſæ-
culum fuerint felicius adepti; nullaq; illis au-
rea ætas florentior aſfulſerit. In ornanda Vr-
be, collegijs & templis erigendis dirutis & col-
lapiſis reparandis, pontibus, fontibus, ſtructur-
is, picturis, magnificentiâ cuncti commen-
dant, ut nihil ad Pontificatus tui gloriam,
quam longæuitas, aut accedere, aut deſidera-
ri poſſit. Qua ſœdere inter Chriſtianos Prin-
cipes, tua auctoritate icto, Turcarum no-
men & perfidiâ deleas, religionisque cuncta
diſidia componas, ut te in terris Paſtorem
unicum,

unicum, cunctus grex, orbisque uniuersus
terrarum concors, & pacatus agnoscat. Vi-
ue felix multos annos Pontificum omnium mi-
tissime. Romæ Pridie Nonarum Octobrium,
anno restituta salutis. M D LXXXIII.



VI-1

HISTORIA ILLA, CEV VERISSIMA.

à calumnijs vindicata, quæ refert,

M. VLPPII TRAIANI AVGVSTI
ANIMAM PRECIBVS
DIVI GREGORII PONT. ROM.

A Tartareis cruciatibus ereptam.



EM cunctis facturum me arbitror gratissimā, si historiam illam, quæ circumfertur, fuisse M. Vlpj Traiani Augusti animā precibus diui Gregorij Roma. Pont. à cruciatibus tartareis ereptā salutemq; consecutam, pro rei dignitate diffusius tractare: & quid fidei & veritatis habeat, quibusve authorum testimoniis innitatur, expenderem; Video enim plerosq; nostra ætate viros clarissimos theologos & historiographos, partim de ea historia dubitare, partim inficiari, & nō paucos ceu vulgi commentum, anilemq; fabulam prorsus rejicere & deridere. Theologi nanque, quibusdam rationibus inducti, historiographi, quod authorū testimonijs destituti videātur, in eas angustias adiguntur. Verū si rationes à theologis aliquot in-

A ductas

Traianus ad preces

ductas non obesse veritati historiae, neque deesse
testimonia authorum praeclara, quae rem gestam
confirmant, indicauero, videbor pro virili animo-
rum dubitationi fecisse satis, & Traiani felicitatē
à calumniis illorum vindicasse, qui eam gloriam
licet non odio aut inuidia, opinione tamen aduer-
sa, tam diuo Gregorio, quam ipsi Traiano Cēsari
eripere moliantur. Neque aliena erit huiusmodi
tractatio, si victorijs Dacicis à me alibi tractatis, &
hanc multo illis insigniorem annexerē, quae Dei
optimi maximi liberalitate & clemētia, precibus-
que sanctissimi Pontificis Traiano de aeterna mor-
te, principibusq; tenebrarum porta est. Victorijs,
victoria felicior, triumphis, triumphus praeclarior
accedit, & laetior. fieri etiam potuit, vt Traianum
in Dacicam expeditionem, priorem, seu postero-
rem proficiscentem, vidua ius exigēs tunc primū
interpellarit, quae potissimum occasio fuit diuo
Gregorio pro ipso ad Deum preces fundendi: mu-
nusque assequendi, quod immortalem esset san-
cto pontifici gloriam paraturum. Cuius etiam par-
ticeps existit Beatissimus Pontifex Romanus Gre-
gorius XIII. qui illius & nomen, & sedem probi-
tate, & doctrina successor tenet. In tractando autē
argumento proposito ordinem hunc potissimum
sequar, vt prius historiam recenscam, quae occasio
fuit diuo Gregorio orādi pro Traiano, deinde ip-
sius

fius Traiani liberationem subsecutam, quā multis grauisimorum auctorum testimoniis confirmabo; & demum rationes, quæ recētiore aliquot viros, pios, & doctos mouerunt, quo minus in eādem nobiscum sententiam descenderent dissoluam: vt historiam eam celebrem, totoq; orbe cantatissimam, iam non quiuis pro libito vt figmentum refellere, sed recipere & venerari vt verissimā & certissimam summopere deinceps curet: & ita finem huic tractationi demum imponam. A Traiani igitur historia, viduæ ius reddentis, primum exordiar. Traiano Cæsari Augusto in Dacicam, priorem, aut posteriorem, vt censeo, expeditionē proficiscenti, nondum urbem egresso, mulier occurrit, senio confecta, pannis sordida, vultuq; lugubri, ipsumque militum aciebus stipatum, Senatu Populoq; Romano honoris gratia prosequente, cœpit valide; lachrymis obortis, properantem compellare. Traiane Princeps pijsimè fœminæ viduæ, & in summa egestate constitutæ, teneat te miseratio. Te imperium moderante, iuuenes nequam natum vnicum, quem vnicè diligebam, innoxium quidem illum interfecerūt: baculum senectutis meæ, quo vnico solatio in arūnis utebar, qui solus solitudini & inopiæ meæ subueniebat. Interfectores humilitatem & tenuitatem meā cōtemnentes, non solum mihi satisfacere renuunt,

A 2 sed

Traianus ad preces

sed & necem, si ius persequar meum, comminatur. Iudices in aduersarios, licet carceribus mancipatos, precibus vel largitionibus corrupti inclinant: nullum proinde superest suffugium, præterquam ad te Cæsar æquissimè accedēdi, iudiciumque à te ipso, qui præstare potes, & voles, postulādi. Qui pro insigni tua probitate & pietate, cū uiuentem filium reddere nequeas, illius tamen sanguinem iuxta legum decreta vindicabis. Substiterat parumper Cæsar, orationemque erumnosę viduę intentē audierat animusque illius & desiderium prona erant ad ius aniculę dicendum, sed auocabat temporis importunitas, tantusq; profectiōis susceptę splendor & apparatus, consistere enim cunctos necesse erat, Cæsare consistente, & interturbari procedētium & stipantium ordines, atque confundi. Quamprimum à bello confecto in urbem reuerteretur filij necem egregiè vindicaturum se, Cæsar pollicetur. Reclamat paupercula vidua, si tu in prælio Cæsar occubueris, quis filij mei necē vindicabit? Qui mihi, inquit Traianus, in Imperio successerit. Quantam, fœmina ait, gloriam tibi accessuram putas, aut quales tibi erunt gratiæ habendæ, si munus, quod ipse præstare tenebaris, & cuius causa es in Imperium ascitus, successori relinquas? Melius utique foret ut hanc iustitiæ & æquitatis opinionē tu ipse consequeris, quam

quam ad successorem quempiam cum indignitate transmitteres. Cæsar ratione viduæ conuictus, misericordiaq; pariter commotus, equo descendit, tandiuq; inibi constitit, quandiu negotium examinaret, iusq; pauperulæ fœminæ exposcenti diceret. Cumq; suaderetur Cæsari à plerisq; accelerari profectiōem oportere, ipse tamē pedem de loco non mouit, donec officium, quod cœperat, expleisset. Reos nanq; catenis vinctos, è carcere eductos coram statui iussit, accusatio & probationes referuntur, breue tempus rei in defensionem suscipiunt: & tandem criminis patratores deprehensos capitaliter damnauit. Verum deprecātibus obnixē qui aderant, pro illorum salute, viduę magnam pecuniæ summam ex proprio fisco, quæ detrimentum amissi filii resarciret, numerari præcepit, & a dolescentes aliter quam morte mulctatos dimisit: tum quod Principis clementiam dedecere putaret præsentēs & qui Cæsaris benignitatem precabantur supplices, letaliter punire, tū quod ominosum & infaustum iudicaret, à sanguine ciuium Romanorum id bellum & profectiōem auspiciari. Vidua igitur accusatrix, pecunijs ditata, iuuenes rei moderatione supplicij latissimi abscedūt, lenitatem & mansuetudinem Principis satis experti: cunctis qui aderant, exemplum rei gestæ pietatemq; Cæsaris summo opere & admirantibus & com-

Traiani ad preces

commendantibus: & ne monumentum tam egregij facti posteros lateret in marmore sculptum, vel in æs incisum in foro eiusdem Traiani Senatus Romanus collocavit: nam pictura in loco publico, & iniurijs cœli exposita, non tot vtrique annos perdurasset, quot fluxerunt ab obitu Traiani vsq; ad pontificatum Gregorij, videlicet cccclxxij. Nec obijciat mihi quisquam Dionem Cassium Græcum historicum nunquam silentio præteriturum rem adeo insignem, si ita, vt fertur, gesta esset: nam is solus superfuit ex ijs qui vitam Traiani descripserunt: cæteri interciderunt. Sed is non videt Dionem de vita Traiani non extare, sed epitome duntaxat à Xiphilino ex ipso Dione contracta. Potuit nanq; Dion scribere, quod Xiphilinus breuitati studens subticuit. Veteres enim aliquot authores historias rerum gestarum in epitome redigentes, magno posteris detrimmento fuere. Non careret nostra ætas Trogo Pompeo, non Tito Liuius, si alterum Iustinus, Lucius Florus alterum in compendium nõ restrinxissent. Sed faciamus ita esse Dionem nihil de hac re scripsisse, continuo subsequetur, historiam, quam retulimus veram non esse? Quasi cuncta solus ipse debuisset tradere, nihilque alijs scribendum relinquere? Vnicus author vix cuncta complectitur, & multo plura prætermittit, quam scribat. Quid enim insignius de Traiano scribi poterat,

poterat, quam quod pueros quinq; mille ex omni Imperio selectæ indolis ita alii, & à præceptoribus erudiri curauerit, ut ea in facultate, eo in genere vitæ instituerentur, in quod magis natura proclives essent. Quod utique Dion vel Xiphilinus præterijt, Plinius in panegyri commemorat. Traiano vita functo Senatus Hadriano successorum triumphos de Parthis & Armenis deferebat, ipse modestia usus recusauit, quare statuam Traiani vehi more triumphantis fecit, ne post mortem triumphum amitteret dignitatem, de Parthis & Armenis, quos ipse debellarat, rebellantesq; Imperio subiecerat. Quod Dion subticuit, alij prodidere. Quotam partem gemini belli Dacici Dionem putas scripsisse? cum tanta ibi strenuè gesserit, Traianus, quæ vix multis voluminibus comprehendi queant? Sed dicet Dion in vita Hadriani, & Xiphilinus in eius epitome, mulierculæ meminerunt, quæ hoc idem ab Hadriano, quod altera à Traiano petiit & impetrauit. Nam cum ei mulier fortè occurrisset in via, ab eoque, ut se audiret contenderet, quanquam primo sibi esse ocium negaret, tamen ubi mulier ita exclamare cœpit: noli igitur regnare, cōuersus libenter eam audiuit. Pariter igitur & alterius tempore Traiani meminissent: qui huius, sæculo Hadriani retulerunt. Fateor hoc tempore Hadriani contingere potuisse, verum suspicor errorem Dionis vel Xiphilini

Traianus ad preces

Xiphilini factum, ut qđ de Traiano Augusto legerant, vel audierant, id totum ad Hadrianum attinere; in animaduersione crediderint: quod solet nō raro historicis cōtingere. Quod si eiusdem fermē rei duplex fuerit exemplum non contendo: dum tamen vtriusq; fœminæ ius flagitātis, historia cōstans habeatur. Potuit enim facile fieri, ut muliercula Hadrianum congrediens alterius improbitatem æmularetur, cū recens eo tempore ea historia esset & Hadrianus similiter Traiani exemplo cōmotus, eam comiter & patienter audiret. Quicquid horum senseris, historia Traiani ab eisdem auctoribus refertur, qui liberationē animæ eiusdem precibus diui Gregorij tradiderunt, proinde fides vtriusq; rei ex eisdem prorsus auctoribus pēdet. Qui optimē id negotium callere poterant eo tempore, quo ornamenta vr̄bis maxima ex parte integra extabant, & fori præcipuē Traiani in quo erat hęc historia, quam tractamus, marmore, ut diximus, scalp̄ta, vel ære incisa. Sed veniamus iam tandem ad aliam posteriorem, quæ ex hac priori ortū habuit in qua diuus Gregorius legitur Traianum suis precibus à Tartaro vendicasse: quæ in hunc modū ab eisdem, quos citabimus authoribus refertur. Cū beatissimus Pontifex Gregorius, semel à Lateranensi ad Vaticanam basilicam clero & populo comitatus, procederet, supplicationes
de

de more faciens, contigit per forum Traiani iter habere. Inter plurima ornamenta quæ illic videbantur celebre erat illud ex marmore vel ære confectum, in quo Traiani simulachrum equo descendens ius reddebat viduæ flagitanti. Quod spectaculum & alias sæpe, & tunc maximè sanctissimi Pontificis animum perculerat: ad miserationemq; vehementissimè inclinarat. Quare affectu pietatis commotus, cœpit de Traiani Cæsaris salute fore sollicitus: qui tanti principis clemētiam, iustitiam, æquitarem, cœterasq; animi dotes pectore voluebat, atque admirabatur. Hinc in singultus, gemitus, atque lachrymas prorumpens, Sacrorum vatum, & euangelica oracula Deo optimo maximo proponebat, aiens. Tu Deus, & clementissimè domine dixisti, iudicate pupillo, subuenite oppresso, defendite viduam, & venite, arguite me: & rursus Dimitte, & dimittetur vobis: ne igitur, quæso, sis immemor fidelissimæ promissionis tuæ, & licet peccator & indignissimus sim, qui rem ita arduam audeo postulare, propter te metipsum & tui nominis gloriam propitiare animæ Traiani Cæsaris, principis iustissimi & æquissimi, qui tanta lenitate & mansuetudine usus est erga mulierem viduam pauperulam, iudicium sibi fieri postulantem. Perueniens deinde sanctissimus Pontifex ad sepulchrum beati Petri Aposto-

B

lorum

Traianus ad preces

lorum principis, postquam hostiam sacratissimā Deo viuenti obtulisset, diutius orauit, & fleuit, ac nocte sequenti veluti somno correptus corporeo, per mentis tamen vigiliam vidit angelum Dei nūciantem se a domino fuisse exauditum, animamq; Traiani, vt poposcerat, liberatam, verum caueret sibi deinceps, ne pro infideli vllō vltēius preces funderet, aut sacrificium offerret. Hanc quam retulimus historiā ex quamplurimis grauib; authoribus collectam, fidelem & veram esse, nec vt dubiam, aut commentitiā, a quoquam iure reijci debere, multorum testimonijs productis comprobabimus. Extat in primis Romæ in Bibliotheca Vaticana, Latina inquam, versus sinistram introeuntibus tertij plutei superiori parte, liber antiquitatis venerandæ, membranaceis chartis descriptus, qui est numero 153. vbi præter quatuor libros dialogorum diui Gregorij Papæ, & eiusdem vitam a Ioanne Leuita conscriptam, fragmenta quædam sunt adiuncta, aut potius Idyllia, continentia erectionem & dedicationem a Gregorio Pontifice factā ecclesiæ S. Andreæ in Cluio Scauri, & lustrationem, seu expiationem eiusdē a Paschali secundo, quod illam Robertus Guiscardus tyrannus violasset, inuentionē corporis S. Cæciliæ martyris, & pleraque alia huiusmodi. In dedicatione autem & cōsecratione huiusmodi ædis, diuo Andree

dreæ apostolo sacræ, quam Petrus & Ioannes viri
 religiosissimi, diacones beati Gregorij ediderunt,
 testimonium iidem ferunt historiæ, quam nuper
 retulimus Traiani. Quam verbatim hic inseren-
 dam duxi, nihil de illorum dicendi stylo immutâs.
 Anno secundo, inquit, pōtificatus diui Grego-
 rij Papæ, collecta Cardinalium, & Episcoporum,
 ac ceterorum Romanę Ecclesiæ multitudine cleri-
 ricorum, Ecclesiam istam, quam ad honorem san-
 cti Andreæ apostoli in Cliuo Scauri construxerat,
 in qua etiam religionis rudimenta, & sanctitatis
 susceperat incrementa, eo quo decuit, prout eius
 anima desiderabat, consecrauit honore: quam et
 plenariè dotauit, & priuilegijs apostolicis præmu-
 niuit. Consecratione verò peracta, flexis ad terram
 genibus, se domino humili supplicatione p̄ster-
 nens, preces fudit ad dominum, dicens: Domine
 Iesu Christe filij Dei viui, qui dixisti apostolis tuis,
 & per apostolos vniuersis fidelibus Christianis,
 quæcumq; petieritis patrem in nomine meo da-
 bit vobis, peto ab omnipotentia tuæ maiestatis,
 quatenus quicumq; deinceps in huius ecclesiæ cir-
 cuitu elegerit sepeliri, dummodo fidem tenuerit
 Christianam; non quod fides christiana descen-
 dentibus sine gratia diuina, salutem esset æternā
 conciliatura: sed quod peculiari auxilio, Christia-
 no in illo loco sepeliri eligenti, Deus faueret ne
 B 2 absq;

+ supplicatio non
 deputetur eter-
 nis.

Traianus ad preces

absque pœnitentia & gratia ab hoc sæculo discederet. Oratione verò cōpleta, apparuit ei angelus Domini, dicens. Gregori exaudita est oratio tua, secundum quod a Domino postulasti, sed quia hoc poscere præsumpsisti, nihilominus & quia p anima Traiani imperatoris, viri infidelis orandū esse duxisti, scias te in hoc sæculo a corporali, quā pateris infirmitate fore minimè liberandum. A qua si duo hæc domino non petisses, liberatus pcul dubio fuisses. Et certè sicut cœlestis nunciij, vera fuit atque perpetua de exaudita oratione annūciatio, ita etiam infirmitatis non liberandæ cassa nequaquam extitit comminatio: nam stomachi langore, pedumq; dolore, continuisq; febribus, licet lentis vsq; ad vitæ exitum laboravit. Hanc autem orationem, atq; diuinam reuelationem beatus Gregorius nobis videlicet Petro diacono & Ioanni diacono patefecit: quas ad scientiam posterorum, nos styli duximus officio transmittēdas. Hucusq; Petrus & Ioannes diacones beati Gregorij. Quæ omnia, vel ex hoc, vel alio simili exemplari transcripta, Romæ habentur in æde, Diuo Gregorio sacra, & in tabulam, publicæ memoriæ cautam, translata. Quorum testimonio Ioannes diaconus, qui multis annis post vitam ipsius beati Gregorij scripsit quasi coronidem addit, dicens. Ego quoque Ioannes humilis diaconus, & scribe
beatissimu

beatissimi patris Gregorij post ipsius transitum;
eius vitam & actus in scriptis præcipiente Ioanne
Pontifice summo redeg. scribam autem Ioannes
iste leuita diui Gregorij se vocat, non quod ipsius
tempora consecutus fuerat, sed quod ipsius vitam
partim iam scripserat quando Ioannes VIII. Ro-
manus Pontifex hoc illi munus iniunxit, vt ipse
inibi profiteretur. Hæc igitur fermè sunt quæ dia-
cones illi Petrus & Ioannes, diui Gregorij discipu-
li, in probitate vitæ & sanctimonia socij, quibus
cum arcana sui cordis tractabat, ad posterorum
notitiam prodiderunt; testes vtiq; fidissimi, qui
Traiani animam precibus ipsius diui Gregorij à
tartaro ereptam, constantissimè profitentur, & ex
ore ipsiusmet se percepisse testantur. Succedit se-
cūdo loco author vetustus vitæ diui Gregorij, quæ
in fronte operum ipsius præmittitur Basileæ per
Frobenium excussorum anno Christi 1564. qui li-
cet anonymus, non tamen contemnendus est au-
ctor. Hic consuetudinem habuit cum Petro diacono
diui Gregorij coniunctissimam; & ab ipso mul-
ta arcana hausit, quæ in historiam vitæ diui Gre-
gorij fidissimè transtulit: vt ipse ibidem fatetur.
Hic, a Petro diacono edoctus, historiam Traiani
a tartareis cruciatibus precibus diui Gregorij ere-
pti, diffusè prosequitur, & prout nos retulimus,
& ipse refert, atq; vt certissimam & constantissi-

matusd

mam

Traianus ad preces

dialogi
mam tuetur. Succedit tertio loco, sicut & ætate
proximus, ita sanctitate vitæ & doctrina clarissi-
mus, diuus Ioannes cognomento Chrysostrhoas
Damascenus, vir profectò nunquam satis lauda-
tus, siue mores, siue religionem, siue doctrinam
& eloquentiam consideres. Is in sermone de illis,
qui in fide hinc migrarunt, quod sacris operatio-
nibus, & viuorum beneficijs multum iuuentur,
ita inquit Gregorius, qui *dialogus* a nostris dici-
tur, veteris Romæ episcopus, vir, quod testantur
omnes, sacrarum disciplinarum intelligentia ce-
lebris, cui etiam, vt ferunt, sacra facienti cœlestis
angelus, socium se addidit, simul sacrificans; cùm
per forum Traiani, lapidibus stratum, iter faceret,
validas preces ad misericordem, animabusq; pro-
pitium dominum habuit, vt Traiano Regi pec-
cata dimitterentur: & confestim vox diuinitus al-
lata, audita est, in hunc modum dicens: Preces tuas
audiui; & veniam Traiano do. Tu verò deinceps
pro impio hostiam mihi ne offeras. Testatur au-
tem oriens, & occidens totus miraculum Germa-
num, & irrefutabile. Hæc beatus Ioannes Cryso-
strhoas Damascenus, iuxta versionē latinam e Græ-
co exemplari, prodidit de hac Traiani historia,
quæ suo sæculo celeberrima erat tum latinis, tum
Græcis, & notissima tam Oriēti quàm Occidenti.
Tantæ autem auctoritatis sanctus Ioannes Dama-
scenus

scenus fuit, vt Sancta Synodus Nicena sub Hadriano primo Papa, & Constantino Imperatore adre-
eius matre trecentorum quinquaginta Episcoporum
contra Iconomachos anno 781. congregata
huiusmodi de illo testimonium perhibuerit. Ioan-
nes qui ab Iconomachis Manzur contumeliosè no-
minatur cunctis relictis cum Matthæo Apostolo
Christum sequutus est: longè maiores diuitias,
quam sunt Arabicæ, existimans contumeliam pro
Christo pati, maluitq; simul cum populo Christi
affligi quam temporariam in peccato voluptatē.
Ipse igitur cruce sua sublata pro Christo, Christi-
que caris, Deum sequutus est; & ex Oriente per
Christum tuba cecinit, non arbitratus ferendam,
quæ in aliena effundebatur regione vaniloquen-
tiam, & cum qui contra Dei catholicam ecclesiā
instructus est, apparatus, rabiosamq; insaniam,
sed hanc triumphans, ubiq; adhortatoriè & conso-
labiliter totam vitam duxit. In Ecclesijs enim vete-
rem consuetudinem diligenter seruandam mo-
nuit: pacificam quoq; illam cōstitutionem & sta-
tutum quod Dominus etiam discipulis in signū
quo cognoscerentur quod sui essent discipuli, de-
dit; Pacem meam relinquo vobis: conseruare &
roborare studuit. Hac Sancta Synodus Nicena. Et
inferius venerabilem & dignum in fide virum, ac
in ecclesia catholica probatum cēset, detestaturq;
Icono-

Traianus ad preces

Iconoclastas hæreticos, qui in suo Sathanico conciliabulo damnationem aduersus eum in hæc verba protulerant. Iconolatæ & falsigrapho Manzuri, anathema. Doctori impietatis, & peruerso interpreti diuinæ scripturæ Manzuri, anathema. Hæc dixerim vt quanti momenti testimonium sit viri grauissimi & sanctissimi, & quem adeo impensè sancta Synodus laudat, perpendamus. Hûc autem posteriorem fuisse diuo Gregorio plus centum annis, post pauca manifestissimè probabimus. Succedit quarto loco Ioannes diaconus Romanus, qui iubente Ioanne VIII. Romano Pontifice circa annum Domini 872. ex scrinijs apostolicis vitam beati Gregorij, quatuor libris complexus, collegit. Is lib. 2. cap. 44. eam historiam de liberatione animæ Traiani receptissimam fuisse apud ecclesias Anglicanas in quibus frequentissimè legebatur, & ceu certissimā refert, cōfirmat & tuetur, dicens: se horum admirari qui cum cuncta alia miracula a gloriosissimo Pontifice facta recipiāt, de hoc vno, licet certissimo, dubitarint. Cuius rei notitia facilè in ecclesias Anglicanas penetrare & diffundi potuit: Gregorio Anglorum apostolo & Episcopo prodente, quem Diuus Gregorius prædicandæ & fundandæ religionis gratia in eam Britannia insulam delegarat. Qui vt arcanorum ipsius conscius potuit optimè eam historiam cal-
lere

lere illosq; populos primus docere. Quo effectum
est, vt à fideli ministro susceptam, constantissimè
super alias Christiani orbis ecclesias retinerent.
Hos enumeratos authores, vel omnes, vel eorum
aliquem, sequuntur Guilhelmus Antisiodorensis
Episcopus, lib. 4. cap. de damnatis. diuus Thomas
in quæstionibus disputatis de veritate q. 6. artic. 6.
& 1. Sentent. dist. 43. q. 2. artic. 2. ad 5. & iterum 4. Sen-
tentiæ dist. 45. q. 2. artic. 2. ad 5. & in vniuersum
omnes Theologi ibidem istam historiã recipiunt.
qui super quartum Sententiarum theologicarum
magistri Petri Lombardi scripserunt. Præter hos
eunt in eandem sententiam: & historiam Traiani
liberati ab cruciatibus tartareis fatentur, Gotti-
fredus Viterbiensis historicus celebris in parte
quintadecima Panthei, quam versibus integram
describit. Floruit autem hic sub Friderico primo
& Urbano III. anno Christi 1155. Vincentius Bel-
uacensis lib. 22. Speculi historialis c. 22. Diuus An-
toninus 2. parte historiarum, titulo 12. cap. 3. §. 8.
Diuus Vincetius in sermone 5. Gregorij. Abulen-
sis super 4. lib. Regum. cap. 4. q. 57. Philippus Ber-
gomensis lib. 10. Supplementi Chronicorum; Ioan-
nes Stella in historia Pontificum in vita diui Gre-
gorij; Ioannes Viguerius Granatensis in institu-
tionibus Theologicis; Sixtus Senensis lib. 6. Biblio-
thece sanctæ annotatione 47. Clemens Monelia-

C nus

Traianus ad preces

nus Cardinalis Aræ cœli in compendio catholicarum institutionum cap. 43. Fr. Laurētius Surius Carthusiensis in vita ipsius Diui Gregorij. Martinus Alspilcueta Doctor Nauarrus, vir nostra ætate morum sanctimonia & magna doctrina literarum omnium clarissimus, summopereq; commēdandus, in Enchiridio de oratione, cap. 22. Miscellaneo. 13. non solum meam sententiam hac in re secutus, sed impensè etiam laudauit. Idem sentit F. Bartholomæus Medinensis ordinis Prædicatorū primarius olim Theologiæ professor in Academia Salmaticensi, qui omnium doctorum virorum calculo, celeberrimus est habitus, in Commentarijs ad 3. partem Summæ Theologiæ S. Thomæ, super arti. 6. q. 52. licet circa circumstantias aliquot non nihil allucinetur, vt postea demonstrabo. Sed veniamus iam tandem ad aliud argumenti genus ex diuinis oraculis constans, quæ sanctissime duæ fœminæ susceperunt. Prior est beata Birgitta vidua & Heroïna Sueuitica, quā vulgus pperā Brigittā, seu corruptius Brigidam vocat: vt admonuit Martinus V. in decreto quo illam secundo interdixas retulit: fœmina incomparabilis sanctitatis & prudentiæ, quæ libro 4. suarum reuelationum cap. 13. vbi de eleemosyna pauperibus pro animis defunctorum eroganda agitur, ita à Christo spōso suo instruitur, dicente. Benefaciendum est spiritualiter

ritualiter & corporaliter : spiritualiter fundendo
ad Deum preces, quia nullus credit, quātum Deo
placent preces humilium, sicut per exemplum
ostendam tibi. Si quis offerret regi pondus ma-
gnum argenti, diceretur à circumstantibus: hæc est
magna præsentatio; si verò legeret vnum Pater no-
ster regi, derideretur. Sic est econtra apud Deū.
Quicumque enim offert pro anima alterius vnū
Pater n̄r, acceptius est Deo pōdere magno auri: si-
cut patuit in illo bono Gregorio, qui oratione sua
etiam infidelem Cæsarem eleuauit ad altiorem
gradum. Ecce qualiter Christus spōsæ suæ Birgit-
tæ historiam liberationis Traiani Cæsaris infide-
lis precibus diui Gregorij factæ, insinuat, & testi-
monium eius rei certissimum reddit. Et licet hu-
iusmodi reuelationes vel oracula istarum vatum
non sint recipienda vt scripta canonica, aut de-
creta synodica Patrum, veneranda tamē summo-
pere sunt: & plus illis fidei adhibendum, quàm
historijs Liuianis, Sallustianis, Thucydidis & Po-
lybij, & multorum etiam qui res gestas in ecclesia
scribunt: quas tamen citra hæsitationem cuncti
recipiunt, & vt constantissimas probant: Præser-
tim cū Bonifacius IX. in sanctione Pontificia,
qua illam inter cœlites refert, inquirat. Hæc gene-
rosa vidua per gratiam sancti Spiritus promeruit
multis eorum cogitationes & affectiones intimas,

C 2 & gesta

Traiani ad preces

& gesta secretissima propalare, & visiones ac reuelationes varias videre, & audire: ac spiritu prophetico multa pradicere, quorum nonnulla effectu completa fuere, prout hæc & alia in eius reuelationum volumine plenissimè describuntur. Hæc Bonifacius I X. in sanctione illa secundo sui Pontificatus anno edita. Et ne mihi obijcias tempore scismatis ipsam fuisse a Bonifacio I X. diuis annumeratam, meminisse etiam oportebit, Martinum quintum eius successorem singula, quæ in decreto Bonifacii I X. continebantur, confirmasse, probasse rataq; & firma in perpetuum esse voluisse, ne de sanctimonia huius clarissimæ fœminæ & oraculis a Deo susceptis ullus ambigendi relinqueretur locus. Fatis autem cōcessit hæc sanctissima matrona Romæ anno Christi 1373. x. Cal. Augusti sub Pontificatu Gregorij XI. & inter cœlites relata a Bonifacio I X. anno Christi 1391. & a Martino V. 1419. Birgittam, sequitur Mechthildis virgo docta & sanctissima, professione Benedictina, diuinis oraculis clara, & non inferior ipsa Birgitta, quæ libro quinto visionum, aut reuelationum spiritualis gratiæ ipsius, cap. 6. cuius titulus est. De animabus Sansonis, Solomonis, Origenis, & Traiani. ita habet. Rogata a quodam fratre, Dominum in oratione requisivi, ubi nam essent animæ Sansonis, Solomonis, Origenis, & Traiani.

Cui

Cui dominus. Quid pietas mea cum anima Sāfō-
nis egerit, volo esse ignotum: vt homines se de
inimicis suis vlciſci amplius pertimeſcant. Quid
miſericordia mea cum anima Solomonis fecerit,
volo homines latere, quatenus carnalia peccata
ab omnibus magis deuitentur. Quid verò beni-
gnitas mea cum anima Origenis effecerit, volo
eſſe abſconditum: vt nullus in ſcientia ſua confi-
dens audeat eleuari. Quid verò de anima Traiani
liberalitas mea iuſſerit, volo homines ignorare,
quatenus fides catholica ex hoc magis extollatur.
Quia hic licet omnibus polleret virtutibus, Chri-
ſtiana tamen fide ac baptiſmo caruit. Hucusque
beata Meſthildis: quæ floruit anno Chriſti 1300.
Satis inſinuauit illi Deus iſtorum ſalutem maxi-
mè de Sāfōne, qui in cathalogo ſanctorū (Heb. 11.)
ab Apoſtolo ponitur. licet non apertè explicuerit,
cum pietatis, miſericordiæ, benignitatis, & libera-
litis meminit, qua circa ſingulorū animas vſum
fuiſſe manifeſtat. Hinc autem colligere licebit
Dionem Caſſium falſo criminatum fuiſſe Traia-
num, qui vinoſum & præpoſteræ libidini deditū
impudens faciat. Cū tamen hoc loco omnibus
polluiſſe virtutibus a Deo perhibeatur, quales in
viro infideli eſſe poſſunt. Multa etiam in Senecā
comminiſcitur, & vbique carpit eius vitam & mo-
res, cum illa innocens, hi temperatiſſimi mode-
ratiſſimiq;

Traianus ad preces

ratissimiq; fuerint. Quare aut prauo affectu in latinos fuit, vt est ingenium. Græcorum, aut certè Græca & instabili natura, facilè rumoribus vulgo sparsis & temerarijs opinionibus citra iudicium assensit; suspectus proinde habendus est auctor, & in omnibus non est illi semper arrogāda fides. Hæc autem obiter de Dione placuit annotasse, ne nobis vnus fucos faciat, viros optimos maledicētia traducendo. Sed differamus hæc in tempus cōmodius & opportunius; & ad nostram historiam redeamus, quæ satis vtique testimonijs authorum veterum, oraculis ad sacras vates factis confirmari videtur. Verum si obiectiones, quas nonnulli recentiores nobis opponunt, exactè diluerimus, nullus relinquetur dubitandi locus, quin cuncta cohæreant, consentiantq; rectissimè. Tres autem eæ sunt, & Ioannem Damascenum priorem fuisse plus duobus sæculis diuo Gregorio, & proinde nō potuisse huius historiæ Traianicę liberationis meminisse, sed potius falso illum sermonem Damasceni nomine editum, fieriq; vt testimonium impostoris fide careat, cui maximè historia propostita innitebatur. Altera existit, fieri creditu durissimum, diuum Gregoriū pro viro infideli litasse, preces fudisse, lachrymasse, quem sciebat, vel scire debuisset, vltimo supplicio damnatum, vtpote qui ex hac vita sine fide & baptismo migrarat, perse-

persecutorq; fuerat sc̃uissimus Christiani nomi-
nis, vt qui plurimos milites Christi martyrio affe-
cerat. Succedit etiam alia ingentior difficultas ho-
minem videlicet iam tartareis p̃cenis addictum
absque gratia Dei ab hoc seculo discedentē, absq;
baptismo & fide eximi his malis potuisse, in liber-
tatem, quæ à rectissimo iudice assertum. Sed singu-
lis his obiectionibus eo ordine, quo sunt propo-
sitæ, adeo satisfaciam, vt quies animo, & consensus
concilietur intellectui. Ad priorem autem dubi-
tationem, fuerit ne S. Ioannes Damascenus ante-
rior vel posterior diuo Gregorio non erit difficilè
respondere. Quidam rem parum exactè perpen-
dentes plus duobus seculis anteriorem faciunt,
vtpote sub Theodosio imperatore florentem, in-
testes inducentes Raphaelē Volaterranum lib.
21. Vincentium Beluacensem lib. 17. cap. 103. An-
toninum Florentinum, & Trithemium in lib. de
scriptoribus ecclesiasticis; videlicet anno 390. Cō-
stat autem D. Gregorium anno Christi D. CIV.
ex hac luce migrasse, dum igitur summa annorū
altera alteri confertur, inueniemus sanctum Ioā-
nem Damascenum priorem fuisse S. Gregorio du-
centis & sexdecim annis: & ita sermonem illum
defunctos viuorum beneficijs iuuari, & historiam
salutis Traiani commentitia vtraque esse nihilque
probare. At si negotium oculatius inspiciamus,
inueniemus

inueniemus procul dubio S. Ioannem Damasce-
num plus vno seculo posteriorem diuo Gregorio
fuisse. Nam auctores qui in testes hic inducuntur,
quod sub Theodosio vixisset legentes non distin-
xerunt, vter trium fuisset, sed ad primum e eu insi-
gniore rationem temporis reduxerunt: Cum ta-
men ille non sub Theodosij primi, nec secundi, sed
tertij vixerit imperium, & illius successoris Leonis
III. Huius rei inanimaduersio in causa fuit istis
grauissimis auctoribus ad eundem scopulum im-
pigendi, dum a Theodosio III. ad primum retro
cedentes annorum rationem confundunt. Floruit
igitur vir sanctissimus Ioannes cognomento Chry-
sorrhoas, monachus doctissimus Damasci Syriae
sub imperium Theodosij III. cognomento Adra-
mitteni, & Leonis III. iconomachi, anno Christi
701. Cuius rei nulla nobis esset arroganda fides,
nisi legitimos & indubitatos testes, in negotij hu-
ius confirmationem induceremus. Extat enim vi-
ta eiusdem sancti Ioannis Chrysorrhoæ, Arabicè
descripta, & a Ioanne Patriarcha Hierosolymita-
no Græcè versa, & ab aliquo alio Latina facta, quæ
apertissimè docet sub imperium Leonis tertij, co-
gnomento Isauri, virum hunc sanctissimum flo-
ruisse. Aduersus Leonem nanque imperatorem
Ioannes, Damasci Syriae agens, quod venerandas
Christi & deiparae virginis imaginis euerteret,
diuorumq;

diuorumq; simulachra, flammis efferus & furibū
dus exureret, libellis editis & epistolis varijs scri-
ptis, viriliter se tyranno opposuit, quibus bonam
partem Asiæ & Græciæ in cultu imaginum & pie-
tate religionis cōtinuit. Leo imperator, qui æger-
rime ferebat impietatem suam vbique terrarum
& locorum Ioannis scriptis traduci, neque homi-
nem capere aut punire poterat iuxta votum suū,
qui extra limites imperij versaretur, fraudem ma-
lignissimam commentus est, qua virum Dei per-
deret. Conquisitis nanque literis aliquot Ioānis,
ministros scribendi peritissimos asciiuit, iniunxit-
que illis vt characteres proprios eiusdem ita mēti-
rentur, vt alij ab alijs dignosci haud possent. Qui-
bus epistolam confinxit, quasi ab ipso Ioanne ad
se secreto scriptam, velle se urbem Damascum re-
gemq; in potestatem Cæsaris tradere, tantum ipsi
cura esset, milites ad constitutam diem transmit-
tendi, futurum vt vrbe insignissima & opulentis-
sima citra multum operæ & sumptus potiretur.
Hanc epistolam Cæsar ad Regem Damascenorū
remittere se dixit, animum erga se suum officio
salutari satis testari edicens, & vt vltcrius sibi ab
insidijs & traditoribus caueret, hortatus. Rex Da-
mascenorum Ioannem, qui a consilijs eius erat,
capit nullo defensionis iustæ patrocinio admissio,
dextram illi amputari iussit: quæ oranti, & con-

D

querenti

Traianus ad preces

querenti ob imagines dei paræ & aliorum diuorū
propugnatas, hoc sibi detrimentum illatum, ea
quæ proximè consecuta est nocte, a dei para virgi-
ne restituta fuit, signo abscissionis in tanti mira-
culi fidem relicto. Gregorius item Cedrenus in
suis annalibus, sub Leonis tertij imperium, cogno-
mento Isauri, & ob impietatem imaginum quæ
sanctarum odium ^{Θεομάχου, & Εἰκομάχου} dicti Ioannem
Damascenum vixisse testatur: melodijque com-
prehendisse eas cantilenas quas decretum in ec-
clesijs cani iubet. Et Suidas virum fuisse doctissi-
mum prodit, & ætatis suæ nulli eorum, qui do-
ctrina illustres fuere, secundum. Inter alia eius
scripta canticorum canones Iambicos; & soluta
oratione recenset, quos dicit fuisse incomparabi-
les, neque quoad vita propagaretur comparatio-
nem vllam admissuros. Franciscus etiam Mauro-
lycus in suo martyrologio, S. Ioannem hunc Da-
mascenum sub Theodosio III. qui Leonem Isau-
rum præcessit, vixisse asseuerat. F. Melchior Cano.
hoc idem confirmat lib. locorum Theologicorū
1. de humanæ historiæ auctoritate tractans, licet
historiæ Traianicę liberationis videatur repugna-
re, quem postea etiam nos impugnabimus. Sed
quid opus est alienis testibus, cum ipse eam nobis
suis scriptis controuersiam decidat: libro enim
quarto orthodoxæ fidei cap. 17. contra Iconoma-
chos

chos scribit, eisdemque in libro hæresum Iconoclastas, & Thymoleontes appellat, à Leone certè Isauro, qui præcipuus fuit, sacrarum imaginum impugnator & euerfor. Eodem præterea hæresum libro Monotheletas commemorat Cyrum, S. Sergium, & Eusthatium, qui damnati sunt in sexta Synodo sub Agathone Papa. Aduersus quos copiosè & scripsit lib. 3. de orthodoxa fide cap. 14. & 15. Constat autem synodum sextam, quæ fuit ex Constantinopolitanis tertia, sub Agathone Papa anno tertio decimo imperij Constantini quinti celebratam, qui incidit in annū Christi 681. Diuus Gregorius ex hac luce migravit, anno 604. Colligitur ergo 73. annos hos hæreticos posteriores diuo Gregorio fuisse, aduersus quos scribit S. Ioannes Damascenus: Quo profecto fit diuum Ioannem Chrysorrhoam, professione monachū, virum sanctissimum, pariter atque doctissimū, Damasci Syriæ incolam, qui libros quatuor orthodoxæ fidei, historiam duorum militum Christi Iosaphat & Barlaam, libros itē hæresum, & de imaginibus, & orationem defunctos in fide perfectæ viuientium precibus iuuari, scripsit, multis annis diuo Gregorio posteriorem fuisse: potuisseq; optimè de illius oratione, & liberatione Traiani certo docuisse. Neque audiendus est Trithemius, qui

libros quatuor orthodoxæ fidei scripsit; alterum

*duos Ioannes Damascenos facit;
vnum qui*

D 2 sub

Traianus ad preces

sub Leone, qui pro imaginibus depugnarit, cum idem prorsus sit auctor utrorumque librorum, ut iam, tam ex historiographis Græcis, quàm ex eiusdemmet scriptis amplissimè docuimus. In eodem etiam errore versatur F. Bartholomæus a Medina loco superius citato; qui dicat, necesse esse illud opus alterius esse & non Magni Damasceni, qui antiquior fuerit Gregorio ducentis annis, utpotè qui sub Theodosio Imper. floruerit, Gregorius vero sub Mauricio, confundens tertium cum primo Theodosio aliorum exemplum & in animaduersionem sequutus. Absoluta demum priori hac dubitatione, quæ historiam & annorum numerationem complectitur, ad aliam maioris difficultatis recurramus, quæ orationem diui Gregorij p homine effusam infideli, religionis Christianæ persecutore & hoste, concernit. Ambiguitatem nanque non leuem habet, quomodo ausus fuerit diuus Gregorius pro simili viro sacrificium offerre, orare, lachrimari, quod utique criminofum erat, cum esset a fide alienus & religione Christiana, idolorum cultor, & demum filius perditionis & damnatus. Præsertim cum ipse quarto lib. dialogorum & lib. 34. moralium cap. 12. doceat eandem causam esse cur non oretur a sanctis in futuro iudicio, pro peccatoribus aeterno igne damnatis, quæ nunc etiam causa est, ut non orent sancti homines

homines pro hominibus infidelibus, impijsque
damnatis: Aduersus doctrinam, qua cunctos eru-
diit, agere visus, est, si hoc, quod refertur, diuus
Gregorius admisit. Nam aut ignorabat Traianū *idolatram*
~~idolatram~~, & in perfidia sua obijisse, aut optimè cal-
lebat, qualis, ille moriens fuisset: Ignorantia au-
tem & conditionis Traiani & religionis, & quod
non esset pro huiusmodi hominibus orandum,
non poterat virum doctissimum & historiæ & re-
rum theologicarum fallere. Quod si calluit, non
facile est illum a crimine aliquo graui vindicare:
quod secus quam sentiret, faceret; & in re grauif-
sima, & quæ a Theologis, peccatum lætale cen-
setur, delinquere. Si enim pro Dæmonibus, iam-
iam damnatis, non licet preces effundere, non li-
cebit pro animabus condemnatis orare, cum pa-
res ijsdem iudicentur: iuxta illud Augustini; Si
Scirem patrem meum esse damnatum, non ora-
rem pro eo plusquam pro diabolo. Tum quia nō
minori illi & Deum, & nos, quam Dæmones odio
prosequantur: vtpotè caritate quauis omnimo-
do destituti. Præterea decretis pontificijs cautum
& interdictum existit, cap. pro obeuntibus 13. q. 2.
& c. placuit, 23. q. 5. Glossa recepta. cap. ex patre, de
sepult. Quæ licet posteriora sint sæculo Gregorij:
fatis est, rationes quibus permoti sunt Pontifices
ad illa constituenda semper viguisse, & a similibus
precibus

Traianus ad preces

precibus auocasse. Abulensis in commentarijs fu-
per quantum librum Regum cap. 4. q. 57. vbi diffu-
sè hoc argumentum tractauit, fatetur diuum Gre-
gorium lætaliter peccasse orando pro Traiano, ve-
rum fuisse exauditum, & in pœnam peccati sup-
plicio affectum, vt dolore stomachi laboraret. Sed
quis, iudicij compos, crederet, Deum exaudisse
orationem hominis lætaliter in ea delinquentis,
& arduam & inconsuetam rem illi postulanti con-
cessisse? Nec virum sanctissimū & per omnes gra-
dus suæ vitæ innocentissimum ita debemus tradu-
cere, aut inurere grauissimā notā. Ioannes Leuita
Romanus, qui vitam diui Gregorij iubente Ioan-
ne VIII. Pōt. Rom. scripsit, aliter soluit hūc nodū,
dicens: Gregorium non exorasse Deum pro Tra-
iano, Sed tantum fleuisse. Sic enim cum non ora-
set, plangendo potuit exaudiri, sicut Moyse do-
lendo tacendo, potuit clamasse videri. Cui domi-
nus tacenti labijs: quid clamas, inquit, ad me?
Nimirum Deus omnipotens corda renesque scru-
tatur, & frequenter ea misertus concedit: quæ ho-
mo quamuis vt carnalis desideret, ea tamen pete-
re non præsumit. Vnde regius psalter psalmo 9.
Desiderium pauperū exaudiuit dominus: & desi-
deria cordis eorum exaudiuit auris tua. Hæc Ioan-
nes Leuita. At ego non video quid referat plus,
mente orare, quàm voce: cū virumque sit cor-
dis

dis & desiderij manifestatio & voti, quod concipimus, expressa postulatio, Deus enim nouit corda hominum & oratione magis sollicitatur mentis, quam vocis, licet vtraque sit illi cara & grata. Tantundem igitur erat, fleuisse diuum Gregorium, desiderasse, optasse, atque si vocis oratione salutem Traiani petiisset: præcipue cum Petrus & Ioannes diaconi diui Gregorii & auctor alius antiquus qui vitâ ipsius scripsit aperte prodant orasse illum & intentissimè, & S. Ioannes Damascenus, etiam sacrificium pro anima Traiani obtulisse. Quibus etiam consentit oraculum Beatæ Birgitæ a Deo factû super hac re, quod nuper citauimus. Aliter igitur hæc erit obiectio diluenda. Existimare nanque oportet viros singulari Deo necessitate coniunctos, & qui familiarissimè ipso vtantur, audere plerunque magna & ardua quæque ab eo petere, & facere etiam, spiritu Sancto inductos ac instigatos, a quibus reliqui arcentur, atq; excluduntur, quod leue, temerarium, atque criminofum id facere illis procul dubio esset. Adducemus nō pauca exempla tum ex sacris literis, tum ex historiis Sanctorum, quæ hanc doctrinam satis comprobabunt. Abraham vnigenitum filium suum Isaac monitu diuino sacrificare voluit, cū tamen huiusmodi victimæ humanæ adeo esset interdicta immolatio. Sanson, columnas, quibus innixum erat

Gen. 10.

Traianus ad preces

erat templum Philistinorum, cōcutiens, ipsumq;
euertens, ita vt corruens, ruina non solum Philis-
teos, sed se perimeret, non vituperatur, sed excu-
satur, quod spiritu Dei id fecisse creditus fuerit:
alius quiuis si hoc auisset, grauissimè deliquisset
in Deum, homicidaq; haberetur sui ipsius. Augu-
stinus nanque primo de ciuitate Dei, excusat San-
sonem, quod instinctu diuino id fecerit, quia non
potuisset domum tantam propria virtute subuer-
tere, sed virtute Dei, quæ non adiuuat ad malum.
Cui subscribit diuus Thomas in commentariis su-
per caput 11. epistola ad Hebræos, lectione 7. Eo-
dem spiritu diuino motus fuit Elias, cum duos
quingagenarios duces centum militibus stipa-
tos, misos ab rege Ochozia, ad se capiendum, si
spontaneus venire recusaret igne de cœlo bis im-
petrato incunctanter exussit. Hoc, quod Dei pro-
pheta, diuino numine afflatus petiit, & obtinuit,
duorum ducum, centumq; militum deflagratio-
nem, alius profectò etiam cogitare criminofum
duceret, tantum abest, vt a Deo peteret & impe-
trare se posse speraret. Numine Dei afflatus filius
ille prophetae, quendam, vt se percuteret in no-
mine domini inuitauit, qui cùm acquiescere nol-
let, a Leone occurrente in via (sicut prophe-
ta prædixerat) discerptus est. Rursus alium repe-
rit, a quo stricto gladio impetit⁹ & vulneratus est.

Eodem

1. Reg. 4

Eodē spiritu, & impulsu ductus fuit Eliseus, qui pueris ei illudentibus in nomine Domini maledixerit, & quadraginta ex illis vrsi saltu egressi disscerpserint. Inducere autem quemquam ad vulnera alteri cuiquam inferenda, peccatum esset letiferum, nisi diuino quispiam numine afflatus fecisset S. Marcus Euangelista pollicem sibi, post fidem Christi susceptam, amputasse legitur, vt sacerdotio reprobis haberetur. Apollonia item virgo Alexandrina propria se sponte in ignem proiecit, ad quem erat, si paganismo non assentiretur, damnanda. Quæ tamen martyrio clara in ecclesia celebratur, quod Spiritu sancto impellente id fecerit: Aliter namq; aut membrum sibi aliquod amputare, aut non coactum, vel vi impulsus se in mortem dedere, nemini licet. Diua Catharina virgo Senensis, quadraginta integris diebus, plerumque cibo & potu quouis abstinuit. Beatus Nicolaus de Saxo, clarus sanctimonia apud Heluetios Eremita, viginti ferme annis, absque vlllo prorsus cibi aut potus genere perstitit, diuino id vtrique suggerente numine. Ecquis enim nunc videt si inedia huiusmodi tentasset, homicidium sui ipsius moliturum, grauissimeque in Deum peccaturum? Cum inedia intra septem dies, vel plurimum nouem exanimet. Diuus Thomas apostolus Christi cum semel nuptijs filia regis cuiusdam Indorum

4. Reg.
2.

E inter-

Traianus ad preces

interfuiſſet, & à pincerna conuiuij colapho ini-
 quiſſimè impeteretur, duo, legitur apud Abdiam
 Babyloniae Episcopum libr. 9. Si tamen legitimus
 & non potius commentitijs liber ille exiit à Do-
 mino imprecatum fuiſſe, & quod parceret in futu-
 ro, & puniret in præſenti, vt ceteri huius exem-
 plo cauerent deinceps offendere ſeruos Chriſti.
 Quod mox diuina ultione ſubſequuta, confirma-
 tum eſt. Nam ad fontem pincerna egreſſus, quo
 miniſtros aquam in conuiuium deferentes vrge-
 ret: à leone dilaceratus fuit, membratimque di-
 ſciſſus. Cuius dextram ſacrilegam domesticus ca-
 nis apprehendens, per ſingulos in conuiuijs accū-
 bentes circumtulit, vt eadem dextra abſciſſa ma-
 iorem famulo Dei gloriam referret, quam viuens
 ignominiam intulerat. Non animo iniuriæ vin-
 dicandæ hoc fecit Apoſtolus, quia magiſtro om-
 nium didicerat, non propulſandam iniuriam vi-
 ro perfectò, orandum pro perſequentibus, & ca-
 lumniantibus, maxillam ſiniſtram ei offerendam,
 qui dextram percuteret: qui Spiritu ſancto fuerat
 olim repletus, & in Dei amicitia confirmatus: Sed
 zelo potius diuino, vt authoritas & reuerentia mi-
 niſtro euangelij ita apud barbaros cõciliaretur: &
 noſſent ſe ſeruum eſſe Dei viuētis, ſub cuius pro-
 tectione, & religione continebatur. Ita enim exi-
 ſtimabat, viam faciliorem multo ſterni ad euan-
 gelij

Matt. 5.

Luc. 6.

gelij prædicationem suscipiendam, quam si iniuriam illam Deus inultam relinqueret. Gloriam nanque Dei, nō propriam quærebat: sicut & Apostolus Paulus, qui genus, personam, eruditionem, labores pro Christo susceptos, arcana Dei visa, refert, non inanem sui commendationem, sed ut inde maiorem auctoritatem apud Corinthios conciliaret, qui sciebat melius hac via iugo Christi subditurus, & contenturus etiam, & quando exempla huiusmodi minus secure ex Abdia peteremus, supersunt innumeri fidei testes, qui vitas sanctorum scripserunt, à quibus multo plura huiusmodi possemus inducere, quæ tamen fastidij causa prætereunda censuimus. Sed iam coronidem vnico exēplo imponamus. Beata Tecla martyr prece sua, Falconillam, fœminam idolorum cultricem, & à Christi ministerio alienam, eripuit ab inferis, ut testis est Sanctus Ioannes Damascenus, in sermone de defunctis piorum suffragijs iuandis. Cuncta ista exempla, quæ produximus, & multo plura quæ sanctorum virorum & fœminarum producere possemus, satis & manifestè conuincunt, multa ab ipsis gesta esse, quæ stuporem & admirationem habeant, neque reliquis ea licere, quæ communes leges & rationem excedant. Admirationi nanque non imitationi excitandæ leguntur, proponunturque: & quod alij absque

2. Cor.
II.

E 2 graui

Traianus ad preces

gravi peccato facere non possunt, isti impune fecerunt: quod Dei numine regerentur. Ad instar igitur horum, beatus Pontifex Gregorius petens liberationem animæ Traiani, non solum crimen nullū admisit, sed obsequium præstitit Deo, quod spiritu diuino ductus id postulauerit. Delinqueret quidem alius, qui spiritu Dei peculiari in re simili destitueretur, non diuus Gregorius qui probe norat impulsu numinis rem se gratam facturum, si liberationem Traiani postularet. Nam si quispiam admitteret, virum Dei in hoc negotio petendo grauius deliquisse, aut saltem ignorantia excusari, quod crederet pro huiusmodi damnatis, & infidelibus orationem ad altissimum effundi posse, in altero innocentia & sanctimonia beatissimi Pontificis detraheretur, in altero notam illi ignorantia inureret, quasi nesciret homo doctissimus, & tantopere in lege Dei versatus, peccatum letale esse, pro infidelibus uita functis & damnatis orare: præsertim pro Traiano, qui in Christianos ut idololatra quādiu vixit desequierat, & in perfidia paganissimi decesserat. Crimen porro letale, nemo viro in Dei obsequio vigilantissimo impingere, citra magnā iniuriam & dedecus ipsius potest. Nam si petendo liberationem Traiani crimen aliquod admisisset, clementiam Dei potius irritasset, quam delinisset, & proinde petitionem non obtinuisset suam

suam. Postquam autem continuo fuit exauditus precesq; ipsius susceptę, signũ est, non solum non peccasse, sed rē, qua Dei clementiā demereretur, fecisse. Voluit nanq; Deus hoc ferme vnico & rarissimo exemplo, virum sibi addictissimum honore prosequi, sicut & beatam Teclam martyrem, vt alteri Traiani animi libertatē, alteri Falconillæ concederet: quo hinc, quales, quantique fuerint apud Deum, quā chari, quam amici totus orbis perpēderet, iudicaretq;: mirabilisque fieret Deus in sanctis suis. Atqui obijciat mihi cōtinuo quispiam, Dium Gregoriũ ob hoc factum fuisse à Deo punitum, vt perpetuo stomachi & pedũ dolore quādiu viueret, laboraret, lentis atq; febribus teneret. Nemo aut punitur nisi ob culpam, ergo aliquam Diuus Gregorius in illa petitione commisit, ob quam merito debuit à Deo puniri. Bene habet. Audi tñ benigne huius scrupuli dilutionē. Non legimus nec historia nostra prodit, diuum Gregorium aliquo supplicio affectũ cum primum liberationem animi Traiani obtinuit, sed admonitum dūtaxat, ne deinceps hostiā offerret pro homine infideli. Quod si vltius cōtendas, demum fuisse punitũ cū fidelib. cunctis, qui in cimiterio S. Andreæ sepelirent, salutē aternā impetrauit, tũcq; mētionē tā huius petitionis, q̃ Traiani factā, q̃ causa extitissent huiusmodi punitionis inferēdæ: satisfaciā.

Non

Traianus ad preces

Non abnuo, aliquam pœnam diuo Gregorio in
secunda illa petitione irrogatam, sed quæ potius
veteris fuisset confirmatio, quam recentis alicuius
infectio. Nam stomachi, & pedum dolore, in-
salubritateque totius corporis multo ante & as-
sidue afflictabatur, vtpotè grandæuus, senioque
confectus: quæ quo adiuueret fuit producta di-
uino oraculo, ita vt spe firmæ valetudinis perpe-
tuo esset cariturus. Quemadmodum autem ini-
tio non in pœnam alicuius criminis praua illa cor-
poris habitudo à Deo infecta, ita sine nouo crimi-
ne cōfirmata est, quod semper ad cohibendos car-
nis impetus, & exercitium virtutis, vtilissima fo-
ret: & si quando, tum maxime necessaria esset: vbi
tanta & stupēda dona à Deo impetrasset, quorum
memoria facile superbire & insolentior fieri pote-
rat. Sicut enim beatissimo Apostolo Paulo, ne ma-
gnitudine reuelationum extolleretur, datus est sti-
mulus carnis angelus Sathane, qui illum colaphi-
zaret: imbecilla inquam corporis habitudo, mor-
bis vexata caro, ita diuo Gregorio idem, ob ean-
demque prorsus causam successit. Prudentissimus
animorū medicus Deus agritudine corporis, mor-
bos curat animi: vt quam primum quis ex donis
Dei gloriari velit, mox aduersa corporis valetudo
deprimat & corripiat, veluti pharmacum quod sit
huiusmodi agritudini appositissimum. Adde,
duas

2. Cor.
12.

duas alias rationes præter eam quam retulimus, intercessisse, ob quas Deus voluit antiquos morbos in diuo Gregorio inualescere, perpetuoq; manere citra crimen letale ab eo commissum. Primo ne quispiam ex facto gloriosi Pontificis crederet licere cuique pro infidelibus, cæterisque damnatis preces ad Deum fundere. Secundo ne exemplo sanctissimi viri cōmoti aliqui pro infidelibus vita functis orarēt, & quod ipse diuino numine inductus fecit, reliqui auderent: terrore illis iniecto ex morbis diutinis, quos quandiu vixit perpeffus est gloriosus Christi athleta. Absoluimus iam dubitationem, quæ præcipuè circa honestatem facti diui Gregorii pro Traiani anima orantis, versabatur, nunc ad aliam, quæ iustitiam & leges Dei cōcernit, accedamus. Durissimum quibusdam videtur à tartaro reuocari quemquam in requiem à tenebris in lucem; Deumque indixisse, nisi quis Ioan. 3. renatus fuerit ex aqua & Spiritu sancto, non potest introire in regnum Dei: & alibi. Sine fide Hebr. 1. impossibile est placere Deo: & tamen Traianum sine fide, sine baptismo, idololatrā in Christi martyres sequentem, salutem fuisse consecutum: diuinamq; iustitiam passam fuisse huiusmodi hominem aeterna supplicia euadere qui in idolorū cultu & religione, impenitens scelerum, quæ in Christianos admiserat, ex hac fuerat luce subtractus.

Dece-

Traianus ad preces

Decedenti autē lætali in crimine ex hac vita, æterna poena sicut gratiæ æterna gloria respondet: non igitur miraculum recipiendum erit, quod tot leges euertere, tot decretis aduersari videtur. Hucusque dubitatio progressa, à nobis propulsanda, & refellenda est. Referam tamen prius quorundam sententias, vt maiori luce & splendore propofita hæc controuersia dirimatur. Melchior Cano. insignis & doctissimus theologus instituti prædicatorum Episcopus Canariensis, qui ingenio, eloquentia, suauitateque dicendi plurimum valuit, his forsan rationibus inductus locorum theologicorum libr. 11. Cum de humanæ historiæ auctoritate agit, hanc de Traiano precibus diui Gregorii liberato historiam negat, inquiens. Traianum Gregorii precibus à gehenna liberatum, non vulgo solum, sed diuo etiam Thomæ olim, iuueni Persuasum est. Persuasum est autem diui Ioannis Damasceni auctoritate, cui diuus sane Thomas plurimū deferebat. Nec verò historiā ego illam probo. Subiungit post pauca. Mirum enim est, hominem Græcum rem & nostram, & toto (vt ipse inquit) orbe vulgatam, Græcis suis prodidisse, quam historiā tamen omnis⁺ Latinorum ignorat. Hucusque Melchior Cano. Sed certe, vt quod sentio ingenue fatear, hæc eius sententia bis peccat, pace tanti viri dixerim, & nimia licentia, & historiarū quæ hanc tracta-

⁺
grex

tractationem concernunt, ignorantia. Nimia quidem licentia, quod duos viros sanctissimos Thomam Aquinatem, & Ioannem Damascenum, petulanter carpserit, dum alterum quasi nimis credulum damnat, alterum quasi exiguae fidei, imo & falsitatis traducit. Dicere enim diuum Thomam iuuenili ætate sicut & vulgus deceptum, immodestum est. Sancti enim viri, vt domicilia Spiritus sancti, templa Dei, vasa sacra, maxima cum reuerentia tractandi, & colendi sunt. Melius profecto egit diuus Thomas qui plurimum auctoritatis diuo Ioanni Damasceno detulit, quàm Melchior Cano. qui paucam aut nullam vtrique. Sententiam illam probaturus diuus Thomas, multo plura reuoluerat, plura quam ipse cano perpenderat. Vastum enim illius viri sancti iudicium, non solet nisi re bene perpenſa & examinata sententiam ferre (id quod iuuenilẽ ætatem in senilem sensus transformatur,) & vltra diui Ioannis Damasceni, veritatem aliarum fuerat historiarum secutus. Ignorantiam autẽ historiæ fugere cano in hac re haud potest, qui asseruerit historiam omnem Latinorum hoc negotium ignorasse: Cum tamen Petrus, & Ioannes Leuitæ ab ipsomet diuo Gregorio acceperint: Alter item Ioannes Romanus diaconus scripserit, Angelicane historiæ testentur, Author ignotus coetaneus discipulorum ipsius beati Gregorij

F diffuse

Traianus ad preces

diffuse meminerit, sanctissimæ duæ fœminæ Bir-
gitta, & Maethildis ex oraculo diuino prodide-
rint: Sanctus Ioannes Damascenus suffragetur: nō
ergo recipiendus est Cano. siue impugnationem
sanctorum, siue historiarum defectum nobis inge-
rere moliatur. Hominem reuereor & illius digni-
tatem, in re autem hac, vt falsa, ab ipso libenter
dissentio. Gulielmus Altisiodorensis, quem plu-
res sequuntur in quarto Sententiarū cap. de dam-
natis aliter se ab hac dubitatione extricare nititur,
dū Traianū fuisse à diuo Gregorio suscitatum,
baptizatumque, ac præteritorum criminum pœ-
nitentem in sedes cœlestes euolasse, credit. Verum
cum nulla, earum quas commemorauimus, histo-
ria prodat, gratis videbitur esse dictum, nulloque
prorsus fundamento fulciri. Ex historia enim rei
gestæ totum negotium pēdet, ad quam quicquam
addere, vel minuere haud licet. Si enim diuus Gre-
gorius Traianum suscitatum baptizasset, aut pu-
blice id factum, aut priuatim. Si publice, publi-
cum cunctorum, qui aderant testimonium pate-
sceret; si priuatim aliqui saltem interfuissent, qui
aquam deferrent, qui Chrisma, diaconorum ali-
quis secretorum conscius, qui rem tantam poste-
ritati prodidisset. Nullus autem repertus est qui
diceret, qui vulgaret: ergo credibile est, ita non ac-
cidisse. Verum cum secreto potuisset ipse Traia-
nus

nus vitæ restitui & suscitari, & ad sanctum Pontificē deduci, & occulte baptizari & id diuus Thomas quarto Sentent. loco citato, vt probabile admittat, diuus Vincentius & diuus Antoninus, nos item vt pium, & probabile recipiēdum ducimus: huic rei libenti animo assentimur. Ait enim diuus Thomas, De facto Traiani hoc modo potest probabiliter æstimari, quod precibus Beati Gregorij ad vitam fuerit reuocatus, & ibi gratiam cōsequutus sit, per quam remissionem peccatorū habuit, & per cōsequens immunitatē à pœna, sicut etiam apparet in omnibus illis, qui fuerūt à mortuis miraculose suscitati, quorum plures constat idololatrias & damnatos fuisse. De omnibus enim similiter dici oportet, quòd non erant in inferno finaliter deputati, sed secundum præsentem iustitiam propriorum meritorum: secundum autem superiores causas, quibus præuidebantur ad uitam reuocandi, erat de eis aliter disponendum. Hæc D. Thomas. Quo fit vt salutem fuerit consecutus non absolute, sed præcedentibus Baptismo, fide, gratia, charitate, & pœnitentia ante actorum criminum, quæ olim admiserat. Solum cum ipso dispensatum à Deo, vt à carceribus infernis perpetuis redemptionē assequeretur & libertatē, (quod lex communis vetat) diuina dispensatio, & priuilegium peculiare tribuit. Bernardinus Corius ora-

Traianus ad preces

tor & historiographus clarus, Mediolanensis, in
vita Traiani commentum, seu somnium refert,
quod nescio si ipse inuenit, aut ab alijs acceptum
in suam historiam transtulit. Post 492. annos, in-
quit, à morte Traiani decursos, in sepulchro quo-
dam à cæmentariis erutum craneum humanum,
linguam habens adhuc incorruptam, quod por-
tenti lóco ad diuum Gregorium, tunc Romanum
Pontificem, delatum, & ab ipso in Dei nomine
cuius esset rogatum, imperatoris Traiani, respon-
dit, cuius anima ab obitu in illum vsq; diem tar-
tareis tormentis puniretur. Huius rei admiratio-
ne captus sanctus Pontifex, eiusdemque probita-
tis, & iustitiæ memor, preces cum lachrymis fu-
dit ad Deum, & ita illius liberationem impetra-
uit. Quis autem non uideat huiusmodi fabulam
sine iudicio esse confictam? Nam cum corpora
imperatorum ea ætate cremarentur, cineresque
Traiani intra auream pilam supra suâ columnam
fuerint repositi, quali in sepulchro à cæmentarijs
reperitum craneum ipsius est? Quomodo autem
linguam incorruptam haberet, quæ igne procul-
dubio fuisset assumpta, etiam quando ossa aliqua
femiusta seruarentur. Qualiter eos qui cineres in
Bithinia collegerunt, in urbem asportarunt, intra
auream pilam reclusere, latuit hoc mysterium,
cæmentariis reuelatum est? Absint procul fabu-
læ.

læ. Sed & aliam huic parum dissimilem quidam
confinxerunt, nullo, nisi mendaci, innixam fun-
damento: habuisse inquam Traianum filium vni-
cum, imperij successorem futurum, qui semel
equo vectus filium, vnicum etiam, viduæ pro-
truiuit & interemit, quæ apud iudices conquæsta,
nec exaudita, ipsum Traianum Imperatorem ad
bellum proficiscentem adiit, vt ius sibi interem-
pti filii redderet, qui benigne acceptam vnige-
nitum suum abdicauit viduæ adoptiuum dedit
multis fœminæ opibus, & muneribus elargitis.
Commentitius iste filius Traiani, à quo patre ge-
nitus, à qua matre? absque prole namque Traia-
nus & Plotina decessere. Quis auctor huius me-
minit? In qua historia refertur, siue Traiani, si-
ue Gregorii? Decedenti namque absque liberis
Traiano, oportuit Hadrianum cooptare, qui eius
in imperio esset successor. Mirum omnes quot-
quot vtriusque ætate historias scripserunt, hunc
filium tacuisse, & nunc demum recentibus istis pa-
tuisse. Hæ & similes aliæ, veris narrationibus,
interfertæ fabellæ, certissimam historiam suspe-
ctam reddiderunt, & inter tot confictas varie-
tates, dubietatis tenebras iniecerunt. Hacten-
us de istis figmentis. Ad locum vnde digressi su-
mus, reuertamur. Ioannes diaconus Romanus,
qui diui Gregorij vitam scripsit libr. 2. capitul. 44.
vt pro-

Traianus ad preces

vt proposito argumento satisfaceret, inquit, Traiani animam non fuisse Gregorii precibus ab inferno liberatam, & in paradiso repositam, quod omnino incredibile videretur, propter illud quod
Ioan. 3. scriptum est Ioannis 3. Nisi quis renatus fuerit ex aqua & Spiritu sancto, non intrabit in regnum cœlorum: sed solummodo dicitur ab inferni cruciatibus liberata: quod videlicet, potest videri credibile. Quippe cum ita valeat anima in inferno existere, & inferni cruciatus per Dei misericordiam non sentire, sicuti vnus gehennæ ignis, valet omnes peccatores pariter detinere, sed per Dei iustitiam cunctos non valet exurere. Nam vniuscuiusque quantum meruit culpa, iusto Dei iudicio, tantum sentietur & pœna. Hucusque Ioannes Diaconus. Cuius solutionem diuus Thomas admittit, & ea ipse vtitur, quarto Sententiarum dist. 45. Sicut & alia Altisiodorensis de Traiano ad vitam reuocato & penitente. Sed in quæstionibus disputatis de veritate quæst. 6. articulo 6. nulli horum adhæret expressè, sed simpliciter & absolute respondet quasi vtriusuis tibi optionem dimittens: Et animam Traiani salutem fuisse consecutam, supponēs diluit argumenta. Sed certe difficile crederem, quietem à pœna, & non integram salutem animæ Traiani Deum donasse. Tum quod Damascenus referat, oraculum quod cœlitus diuus
Grego-

Gregorius accepit hoc fuisse. Veniam Traiano do.
Veniam autem non dicitur proprie, nisi de culpa, &
consequenter de pœna, ergo salutem animæ Tra-
iani Deus liberalissime impartitus est. Eximere,
præterea hominem à tartareis cruciatibus, aut ad
tempus, vel perpetuo fiebat. Si ad tempus, maius
esset illi tormētum, retrudi iterum in barathrum
& denuo torqueri, & ipsa etiam anxietas eandem
miseriam repetendi, tormentum esset, quod con-
tinuo cruciaret. Si autem perpetua, eius requies
erat, vacare inquam à tormentis, quo loco erat
post diem iudicii reponendus in barathro, loco
purgatorii, aut limbo? In limbo quidem non es-
set, qui locus est deputatus infantibus duntaxat,
qui originali peccato irretiti ex hac vita discesse-
runt. In loco purgatorio esse non posset, cum ex-
cidio orbis superueniente, vacuus relinquendus
credatur. In barathro autem quid faciet, qui nul-
lis sicut cæteri tormentis torquebitur. Præsertim
cum sententia iudicis ferenda sit absoluta, ut illi in
regnum, alii in ignem æternum sint perducendi.
Cum autem sine penitentia sint dona Dei, qui se-
mel tormentis exemit perpetuo (ut mihi probabi-
liter videtur) credendus est exemisse. Cum autem
nullus locus præter istos tres commemoratos su-
perfit, in quo illius animam collocemus, de sum-
ma Dei clementia, & liberalitate credendum est,
vel

Traianus ad preces

vel illum tunc in cœlo repositum, vel post aliquot
sæcula, iuxta diuinam ordinationem reponendū.
de his autem satis. Ad aliam iam Dominici Soto
theologi insignissimi instituti prædicatorum sen-
tentiam veniamus. Cuius sanctimonia & doctri-
na clarissima nostro sæculo extiterunt. Hic in quar-
to Sententiarum distinct. 45. quæstio. 21. articul. 2.
cum historiam liberationis Traiani à diuo Tho-
ma receptam non audeat negare, durissimam sibi
creditu dicit: tum oratione diui Gregorij, de qua
re iam satisfacimus, tum quod aliquos damna-
torum ex inferno suscitari, qui postea in cœlum
sint euolaturi, videretur rationi prædestinationis
aduersum: consequeretur enim quod aliqui præ-
destinati fuissent in inferno damnati, non simpli-
citer, sed sub conditione, nisi postea resuscitaren-
tur. Nam verisimillimum esse, inquit, in obitu
cuiusque sententiam absolute ferri, ite in ignem
æternum, aut uitam æternam, qualiter est in die
iudicii ferenda. Eadem autem est de Traiani ani-
ma ambiguitas. Verum neque liberationem ani-
mæ Traiani, neque reuocationem ad vitam infi-
delium & idololatrarum, veritati obesse, quam
tuemur, ex mente diui Thomæ, tum in quæstioni-
bus disputatis de veritate quæstio. 6. articul. 6. tum
4. Sententiarum distinctio. 45. quæstio. 2. articul. 2.
quæstio. 2. ad 5. docebimus. Licet prædestinatio,
inquit

inquit diuus Thomas , numquam mutetur, orationes tamen & alia opera bona valent ad consequendum prædestinationis effectum . Nam prædestinationis effectus est salus humana, quæ à Deo procedit, sicut à causa prima , sed eius possunt esse aliæ causæ proximæ quasi instrumentales , quæ sunt ordinatæ à diuina prædestinatione ad salutem humanam , sicut instrumenta applicantur ab artifice ad effectum artis explendum . Vnde sicut prædestinationis diuinæ est effectus , quod iste saluetur , ita quod per orationes tales , vel merita talia saluetur . Et hoc etiam Gregorius dicit in libr. 1. dialogorum, quod ea, quæ sancti viri orando efficiunt, ita prædestinata sunt, vt precibus obtineantur . Propter quod , vt dicit Boetius lib. 5. de consolatione philosophiæ : preces , cum rectæ sunt , inefficaces esse non possunt . Atqui Traianus à Deo , vt causa prima in numerum erat electorum adscriptus, sed causæ proximæ & instrumenta futura huius effectus, preces erant à diuo Gregorio propius liberatione effundendæ. Illi autem, qui fuerunt miraculosè suscitati , quorum plures constat idololatrias & damnatos fuisse, non erant in inferno finaliter deputati, sed secundum præsentem iustitiam propriorum meritorum, secundum autem superiores causas , quibus præuidebantur ad vitam reuocandi erat de eis aliter disponendum. Ita

G Traianus

Traianus ad preces

Traianus quādo ex hac vita migrauit in tartarum
fuit retrusus, secundum præsentem iustitiam pro-
priorum tunc meritorum, secundum autem su-
periores causas, qua prouidebatur orationibus
diui Gregorii iuuandus, erat de illo aliter dispo-
nendum. Illud autem argumentum, quo Domi-
nicus Soto videtur vigeri, quod Apostoli, ac de-
inceps alii euangelij promulgatores, plures inter
gentes excitauerint mortuos, inter quos aliquot
sua gentilitate damnatos, ita subterfugit, non su-
scitasse, inquit, forte, nisi illos qui inuincibi-
li ignorantia Christianæ legis laborantes, in lege
naturæ seruari poterant, aut alios cathecumenos,
aut christianos, atque adeo in purgatorio existen-
tes. Verum fallitur ea in re Soto, ut multis exem-
plis inductis demonstrare possumus. Beatus enim
Andreas Apostolus Philopatorem Sostrati filium,
vnā cum triginta aliis octo infidelibus, mari sub-
mersos, & suffocatos, vitæ restituit. Sanctus
Ioannes Euangelista Callimachum, quem serpens
intra sepulchrum Drusianæ extinxerat, cui stuprū
mortuæ volebat inferre, qui viuæ copiam habere
haud potuerat, ad vitam reuocauit: & ad bonam
frugem reduxit: mortuus quippe fuerat letali cri-
mine implicitus. Beatus Matthæus Apostolus fi-
lium Æthiopæ regis infidelem cultuque tentum
idolorum, suscitauit. Philippus Apostolus pon-
tificis

tificis filium, qui ignem ministrabat sacrificij, & duos tribunos infideles, qui mortui fuerant, suscitauit: vt habet Abdias Babiloniæ episcopus lib. 3. apostolicæ historiæ; 4. 7. & 10. Sanctus Apollinaris martyr postea filiã idololatram suscitauit Rufi patritij ex consulis, Rauennæ præfecti. Beata Agnes præfecti filium idololatra, ipsamque volentem opprimere, à diabolo suffocatum vitali auræ restituit. Deficeret tempus si reliqua exempla prosequeretur. Satis est è multis aliquot commemorasse: quo fit, vt ea in re sententiam feramus parum consentaneam definitioni Dominici Soto.

Vt igitur principali argumēto solutionem adiungamus: ita nobis de ea re statuendum est. Communes leges Dei sunt, nullus sine baptismo salutem consequitur, sine fide impossibile est placere Deo. Semel locis tartareis deputatus, illos haud vnquam carceres potest effugere, quia in inferno nulla est redemptio: verum possunt aliquando ex peculiari Dei gratia & priuilegio dispensari modo, quo Sanctus Thomas loquitur supra in quarto, ob rationes aliquot Deo notas, nobis autem occultas, in comprehensibilia sunt enim iudicia Dei, & inuestigabiles viæ eius. Arcana enim Dei quis nouit? aut quis consiliarius eius fuit? Traianus itaque imperator, qui secundum communes leges perpetuæ damnationi erat addicendus,

G 2 idem

Traianus ad preces

idem peculiari gratia salutem ex benignitate, & liberalitate diuina consecutus est, conciliantibus eam suffragijs, & precibus diui Gregorii pro ipsius animæ liberatione effusis. Qui non erat in tartarum irreuocabiliter retrusus, sed ad tempus, quandiu pro ipso Gregorius oraret: & ita potuit tartareis cruciatibus eximi, qui non penitus, sed ad certum & præfinitum tēpus illis esset torquendus. Et licet damnatis, qui in inferno cruciantur nihil ecclesiastica suffragia prodesse valeant, neque ullus possit eis opem ferre; sed debeāt in perpetuum meritas pœnas luere, qui eas numquam persolvere ualeant, verū hoc attinet ad leges communes, non quod secus possit per peculiare priuilegium contingere. Quod Sanctum Ioannem Damascenum in vehementem admirationem trahebat. id enim stupendum factum verbis prosequitur: vix pro rei dignitate congruentibus, Falconillæ liberationem & Traiani inter sese conferens in hunc modum. Falconilla vnus idololatriæ, & nullius, præter id criminis rea erat. Traianus vero multos etiam marryres nō raro morti condemnauit. Mirabilis es domine, & mirabilia sunt opera tua: misericordiam tuam ineffabilem recte glorificamus: vndiquaque enim ad misericordiam propensus es. Sed gradum iam tandem reuocemus, & vela cōtrahamus ad tranquillūque portum

tū nostra descendat oratio. Gregorius igitur pontificatus sui primo, aut secundo plurimum anno, qui incidit in Christianæ salutis D X C I. suis precibus Traiano Cæsari, cum iam ab eius obitu C C C C L X X I I I. effluxissent, liberationem à Deo, & salutem impetrauit. Si autem tanto miraculo, testimonium ferunt historiographi, si viri sancti, si diuinæ vates, si consentit, præter paucissimos, theologorum vniuersa schola, si attestatur diuus Ioannes Damascenus Gregorio atate posterior: Si diuus Thomas Aquinās, quid est quod nos dubitemus? Historiæ receptissimæ, cur nos tenebras effundemus? Si historia hæc Romæ in diui Gregorij æde super aram marmore incisa est, cur sine ratione factum? cur sine iudicio eo loco celebri & sacro repositam credamus? Si sanctissimum pontificem Gregorium à crimine vendicamus, quod alii impudenter impingebant, ob preces ad Deum pro Traiani anima effusas: Si eius sanctimoniam magis hoc negotium præclaram facit, si maximam illi gloriam conciliat, si beatissimo Gregorio X I I I. qui illius & nomen & sedem meritissimus hodie tenet auctoritatem conciliat, & gratiam quod tanti sit viri nomen & gradum fortitus, quid est quod nos abnuamus? Si cuncta consona sunt, si cuncta cohærent; Si non est quod ambiguitatem merito faciat, nihil aliud superest

Traianus ad preces D. Greg. liberatus.
pereſt quàm quod Dei immenſam liberalitatem,
& clementiam ſtupore & admiratione proſequa-
mur, qui in ſanctis ſuis adeo eſt mirabilis? Eius
arcana iudicia æterna ratione innixa nihil ob im-
becillitatem iudicij humani aliud inueſtigantes,
veneremur. Abſint fabulæ, valeant detractores,
increduli abſcedant, ſatis ſi pij, ſi candidi hiſto-
riam hanc recipiant, credant, amplexenturque
decus imperio, decus vrbi Romanæ, decus Hi-
ſpaniæ, augmentem, quam ſi pro rei dignitate mi-
nus apte, & diſerte tractauerim, id totum tenui-
tati ingenioli mei tribuendum, qui non quod de-
bui & volui, ſed magis quod potui, præſtiti.

F I N I S.

R E G I S T R V M.

* A B C D E F G.

Omnes ſunt Duerniones.

V E N E T I I S,

Apud Dominicum Nicolinum.

M D L X X X I I I.

28

TRACTATVS

QVOD DIVVS HIERONYMVVS

STRIDONENSIS

S. R. E. PRESBITER FVERIT
CARDINALIS.

AVCTORE F. ALFONSO CIACONE
Doctore Theologo Ordinis Prædicatorum
Pœnitentiario Apostolico.



VENETIIS.

Apud Dominicum Nicolinum.
M D LXX XIII.

TRACTATUS

DE OYOD DIVVS HIERONYMVS

STILBONENSIS


S. R. E. PRESBITER FVERIT

CARDINALIS.

AUCTORE F. ALFONSO GIACONE

Doctore Theologo Ordinis Praedicatorum

Peritennario Apostolico.



VENETIIS.

Apud Dominicum Nicolinum.

M D LXXXIII.

29
S A N C T I S S I M O

D. N. GREGORIO XIII.

Pont. Optimo Max.

M. F. A L F O N S V S C I A C O N

minor suus Pœnitentiarius fausta & feli-
cissima quæque præcatur.



VOTIES se mihi opportunitas
obtulit, limina Sanctorum Apo-
stolorum ad Vaticanum visitan-
di, illorum numina imploratu-
rus, toties Sacellum proximum,
Gregorianum Deiparæ Virginis
dicatum, à V. B. magnis sumptibus à fundamen-
tis erectum, & nunc etiam maioribus exornatum,
oculos in sui admirationem rapiebat, cogebatque
gradum subsistere, dum ingentem excitatam mo-
lem, in eam gratiam & venustatem, qualis nunc
est, consurgere in dies, & coalescere conspicerer:
vixque poteram deprehendere, superaretne mate-
ria opus, an potius opus materiam, adeò alterum
cum altero de pulchritudine certare videbantur.
Nam quum infimam huius illustrissimi Sacelli
partem contemplerer, tot generibus marmorum,
quæ colore, varietate, & nitore, gemmas & præ-

* 2 ciosissi.

ciosissimos quoque lapides imitantur, distingui,
& insigniri ceptam: quæ ex peregrinis & remotis-
simis totius Orbis terrarum regionibus veteres in
Vrbem aduehenda summo studio & labore cura-
runt, materia vincebat opus, natura artem. Ve-
rùm quum fastigium eiusdem Sacelli conscende-
rem, intuererque massas vitreas in laminas forma-
ri, tot coloribus tingi, bracteas aureas vi ignis in-
terferi, ex laminis segmenta seu tessellas secari, &
in nouas formas, & picturas coaptari, quæ peritissi-
mi pictoris penicillo vix meliores aut similes deli-
nearentur: tunc demum naturam arti subcubuisse,
& de materia opus triumphasse, non citra stu-
porem iudicabam. Ars enim museo opere elabo-
randi, tot iam annis sepulta, tuis denuò auspicijs
Beatissime Pontifex multò foelicior renascitur, &
priscum inuentum, iam dudum amissum, ceu re-
cens tua opera è tenebris in lucem reuocatur. Et
quod magis mirari possumus, in sublimi, & edi-
tissimo loco fornaces perpetuò ardent, frequen-
tissimi artifices & numerosa hominum turba, va-
riis ministerijs inseruientes, in aëris fermè regione
viuunt, ita vt nouos populos, nouamque ad supe-
ros coloniam tuum felicissimum Pontificatum
deduxisse suspicemur. Fosfores metallorum sub-
ter terram habitant, & pro miraculo ducimus, ho-
mines subterraneos fore; at maius est, aericolas
existere,

existere, qui arduo & volucris communi loco vi
tam tranſigant, diuerſasque inibi artes exerceant.
Quare vatiſſima, & immēſorum ſumptuum mo-
les, non potuit, niſi à magnanimo & vigilantissi-
mo Pōtifice excogitari, & ab eodem magnificētis-
ſimo tentari, & abſolui; qui huius generis multa
& aggreſſus eſt, & perfecit. Structura igitur cele-
berriſſima, cui nihil eſt par, nihil eſt ſecundum, nul-
li magis quàm Gregorio x i i i. decens, digna, &
conueniens erat, qui tāta animi magnitudine vi-
get, vt non niſi ad maximam ſe conuertat, vt in il-
lum verē illud Martialis encomium dici poſſit.

Vnum pro cunētis fama loquatur opus.

Verū in tanta rerū maiestate hoc vnum quos-
dam excruciat, D. Hieronymum Doctore Sanctiſ-
ſimum abſq; inſignibus Cardinalitijs, præter ſo-
litum & cōſuetum morem inibi depingi. Durum
enim iuſdem videtur in Baſilica S. Mariæ maioris
imaginē ipſius Cardinalitio ſub habitu à piis co-
li, in eadem ara, vbi corpus eius quieſcit: & in cē-
teris fermē Chriſtiani Orbis templis, & in Sancti-
tatis Veſtræ Sacello, eo honore & dignitate deſti-
tui. Quod ſi ex traditione per tot ſæcula transfu-
ſa ita in locis ſacris depingi conſueuit, non eſt cur
illa veniat labefactanda. Quum enim Veſtra San-
ctitas religioſiſſima, & priſcarum traditionum
obſeruantiffima exiſtat, nō dubium, quin & hanc

tanto

tanto Christiani populi consensu, & applausu susceptam, eodem animo complecti velit. Licet autem hæc traditio parum aut certè nihil ad religionem spectet, quia tamen in exemplum trahi potest, alias maioris momenti, aut contemnendi, aut abolendi, conseruanda ea esset, ne iacturam alicuius alterius pateremur, dum tantopere hac præsertim tempestate auctoritatem & robur huiusmodi traditionum tuemur. Quamquam & hæc alicuius ponderis, & non omninò inanis cenferi debet, quum in honorem & decus Viri Sanctissimi non nihil cedat, & illud iure proprio repetere possit, & meritò conqueri, si auferatur. Nam si inter Cælitates eius dignitatis & gradus aliqua ratio habetur, cur in terris ab hominibus erit prætereunda? Italia Doctorem hunc Sanctimum genuit, Istria enim regione, & Stridone illius oppido, nunc vulgo, Sdigna appellato, non Dalmatiæ ortus. Hunc eundem Romana Vrbs puerum enutriuit, adolescentulum in Christo per Baptismum regenerauit, variis disciplinis erudiit, & virum postea ad ipsam redeūtem excepit: cur igitur eadem Italia præ aliis Christiani Orbis prouintiis maiores illi nō honores impendet, & eadem Romana Vrbs non cum Stridone certabit, de potiori illi cultu exhibendo? Et quæ semel in Presbiterorum Cardinalium Collegium, & consortium admisit, cur non perget in tanto

in tanto viro gloriari? Non est facile possessione
deturbandus, qui per tot secula huiusmodi Car-
dinalitio titulo est potitus. Tunc enim singula in
celeberrimo totius orbis terrarum Sacello conue-
nient, dum Beatissimo Papa Gregorio, Hierony-
mus Presbiter Cardinalis adiungitur, sicut Grego-
rio Constantinopolitano Archiepiscopo, Basilius
Cæsareæ Cappadociæ Episcopus subditur, locis
cuiq; iuxta propriam dignitatem & gradum con-
uenienter dispositis, & distributis, vt non quia la-
tini solum, sed quia digniores potiore locum
super Græcos fortiantur. Quum igitur Sanctita-
tis Vestræ studiosissimus existam, deuotissimus-
que quoad vixero sim futurus, vtpote quia ab ip-
sa nuper peculiaribus gratijs, & beneficijs citra
meritum, ob suam singularem benignitatem, &
clementiam fuerim affectus, & à qua multa mi-
hi polliceri, plurimaque sperare possim, & cui
cunctas meas vigilias, & labores consecrare desti-
nauerim, nolens, gratias acturus, pedesque Bea-
tissimos ipsius osculaturus, vacuus apparere, li-
bellum seu tractatum, quem de assertione Presbi-
terij Cardinalitij diui Hieronymi aliquando con-
feci, in quo satis mihi visus sum pro tenuitate in-
genioli mei traditionem eam communi consensu
susceptam, auctoritatem virorum illustrium, con-
iecturisque non læuibus comprobasse; Beatitudi-

ni

ni V. dicandum censui, sperans eius rei argumen-
tum praesenti hac occasione ipsi non omnino in-
gratum futurum, summoque suo iudicio, doctri-
na, & prudentia singulari, quod certius, & con-
venientius fuerit comprobaturam, daturamque
operam, ne vnico hoc ornamento in suo Grego-
riano Sacello doctor Sanctissimus destituatur.
Confidens fore, vt grati obsequij memor longeuū
& foelicissimum suis precibus Pontificatum V. S.
sit impetraturus, quo non solum Sacellum Gre-
gorianum, sed integram D. Petri Basilicam absol-
uere, & multas alias res praclaras, aeternaque me-
moriam dignas, suo saeculo edere, & perficere pos-
sit. Vale Beatiss. Pater, vnicum litteratorum pa-
trocinium, miserorumque confugium.



**QVOD DIVVS HIERONYMVVS
STRIDONENSIS**

S. R. E. PRESBITER FVERIT
Cardinalis tractatus.

AVCTORE F. ALFONSO CIACONE
Hispano Doctore Theologo Ordinis Prædicato-
rum, Pœnitentiario Apostolico.



ETVS controuersia denuo
suscitatur, fuerit ne B. Hiero-
nymus simplex an Cardina-
lis S. R. E. Presbiter, partim
consentientib. partim repu-
gnantib. eruditissimorū viro-
rum testimonijs, qui in ea re
exploranda nonnihil & laboris, & studij adhibue-
re. Sunt enim qui credunt, simplicem tantum il-
lum presbiterum fuisse, à secretisq. Damasi Ro-
mani Pontificis, nullaq. vnquam Cardinalitia fun-
ctum dignitate. Sūt rursus, qui S. R. E. Cardinalib.
Presbiteris adnumerēt, & pro certo, & indubitato
hoc affirmant. Priores in eam sententiam induxit,
nihil huiusmodi in suis scriptis B. Hieronymum
meminisse, quā minoris longè momētū pleraq.
de se ipso retulerit, quod nunquam subscripserit
se Cardinalem, presbiterū tamen sapissimè. Quā

A utiq.

De Diui Hieronymi

vtiq. rem neutiquam silentio præterijſſet, ſed vt-
cunq., ſi ita ſe res haberet, ſignificaffet. Auget vehe-
mentius eam opinionem, obſcuros & ignotos ef-
ſe auctores, qui teſtes ad id comprobandum indu-
cuntur; parum ſibi conſtare, dum variant, & con-
traria ſentiūt, & hi Hieronymum S. Laurētij Mar-
tyris, illi S. Anaſtaſiæ preſbyterum Cardinalem fa-
ciunt. Proinde nulla eis videtur adhibenda fides.
Non deſunt prætereà, qui ignorantia hiftoriæ de-
cepti, ſæculo D. Hieronymi ortam, ſeu à quoquã
Pontifice inſtitutam Cardinalitiam dignitatē ne-
gent; quare ceu figmentum quoddam illius Car-
dinalatum explodunt. His præcipuè rationib. ad-
ducuntur, qui Cardinalatui Hieronymi aduerſan-
tur. Poſteriores autem firmiora tum monumenta,
tum antiquorum longè aliter ſentiētiū, testi-
monia mouent. Quorum proſectò ſententia tantò
præclarior, & veriſimillior videtur, quantò magis
à plurib. probatur, & ab vniuerſa ferè multitudine,
non ſine ingenti applauſu, & cōſenſu ſuſcipi-
tur. Cui proſectò eò libētius homines docti & pij
ſubſcribere debuiffent, quò intelligunt honeſtio-
rem & acceptiorem ſingulis fore, veterumq. testi-
moniis magis inniti: Quòd ſi nō perſuadere, ſal-
tim ſuadere aliquib. potero, paucos auctores in
medium producendo, qui huius rei valeant facere
fidem. Nihil ſubinde repugnās, aut minus benè
cohærens

cohærens deprehendent, qui huic denuò sententia acquieuerint. Quòd si demum obiectiones à principio propositas diluere pergam, omnis prorsus concertationis materia dirimetur. Cumq. ordine quodam cuncta præstitero, finem suum mea hæc consequetur tractatio.

Nemo erit adeò inops ingenii, qui nesciat, diuersos fore, de quæstionib. diuersis professores cōsulendos, neq. vnum cuncta præstare posse. Concertationes de Deo aut religione ad Theologos examinādas de ferimus: eas quæ de sensu, & interpretatione legum, ad Iurisconsultos; si morbi infestant, aduersa q. laboramus corporis valetudine, ad Medicos accurrimus: Si de natura, aut motu quæstio agitur, Philosophi conueniendi: si de syderib. & influxu corporum Cœlestium, Astronomi: si de terræ descriptione, Geometrae adeundi: sicut de numeris, Arithmetici. Stultus nanq. & valdè esset, qui graui corporis morbo laborāti, Theologos adhiberet; aut ad Medicos res fidei deferret, quum, quòd Medicorum est, promittant Medici, tractent sua fabrilia Fabri. Quisquis is esset, non minus incusandus veniret, quàm qui distinctionē colorum à cæco; musicorum à surdo quæreret; aut oculos perperam, de cocubitis, oculos vellet de picturis iudicare. Neq. secus profectò faceret, qui negocium hoc, quod in præsentiarum tractamus

concentibus
aures,

A 2 ab alijs,

De Diui Hieronymi

ab alijs, quàm à proprijs & genuinis fontib. deducere curaret; Historiographis inquam, aut qui historias suis scriptis miscuerunt. Proinde si D. Hieronymus presbiter simplex, an Cardinalis extiterit, non est à Theologis sciscitandum, quasi illud vel negare, vel asserere, sit pietati, vel Religioni contrarium. Neq. Philosophorum sententia expectanda, quum id neq. à natura pendeat, neq. necessitatem ita esse, aut nunquam fuisse, vllam inducat. Neq. ad Astronomos & Geometras hoc negociũ deferendum, qui demonstrationes mathematicas nõ exigimus, quib. illud comprobemus. Finib. igitur proprijs cõtenti, alienis limitib. abstinebimus. Historiis nanq. duntaxat iuuari volumus, aut auctorib., qui aliquid suis scriptis historiã interseruerunt; coniecturis, antiquis traditionib. communiorib. etiam opinionib. Quib. hæc nõ suffecerint, alia, quæ ultra sufficiant, nõ habemus. Primæ, mediæ, infimæ Classis auctores anteriori loco proponam, dein ad reliqua suo ordine properabo.

Inter primæ classis auctores, qui coniuncti fuerunt sæculo ipsius Hieronymi opportunè nobis occurrit Cyrillus Hierosolymitanus Episcopus, qui vixit sub Theodosio Imperatore anno Christi 400. Is scribens ad Augustinum de vita B. Hieronymi, sic inquit: Hieronymus dum in Romana adhuc esset Vrbe os Damasi Papæ & Sacræ Bibliothecæ

cx

ca scrutata Diuinorū Decretorum voluminū, dū
per triennium continuum charus, acceptusq. po-
pularib. veneraretur, omniumq. iudicio Pōtifica-
tu dignus decerneretur, ordinatusq. à præfato Pa-
pa Cardinalis fuisset; quidam ex clericorū mona-
chorumq. ordinib. pro perulantia, ingluuieq. sor-
dentes, ad effugandum de Vrbe eundem Hierony-
mum, qui vtrorunq. scribens vitia, eos reprehen-
derat, infidias parauerūt. Hucusq. Cyrillus. Eadem
prorsus legūtur in sermone de vita B. Hieronymi,
qui sermo additus fuit à Cyrillo, vt in antiquissi-
mis manu scriptis exemplarib. habetur. Neq. incer-
ti est auctoris, vt quidam, sed falsò probare nitū-
tur. Consentit huic Eusebius Cremonēsis discipu-
lus D. Hieronymi, scribens ad Theodoniū Senato-
rē Romanū, & ad Damasum Episcopum Portuen-
sem, Sanctus item Petronius Episcopus Bononiē-
sis, q. floruit anno Christi 440. in tractatu Apoph-
thematum Selectorum Sanctorum Patrum, qui
manu scriptus extat, hæc ait; Hieronymus vir in
omni doctrinarum genere absolutissimus, S. R. E.
presbyter Cardinalis quum ab amulis suis accu-
saretur, ex voluminib. Origenis innumera in
sua transtulisse opera, dixit: Laus quæ debet Ori-
geni offerri, maxima est, & quum illum in
meis operibus imitatus sum, illum imitari pro-
posui, quem nobis & omnibus prudentibus
placere

De Diui Hieronymi

*hij sermones falso
attribuuntur
Augustino
stylus uero
stylus Augustini*

placere minimè vereor. Constat autem S. Petroniū
coëuum D. Hieronymo fuisse, utpote qui ex hac
vita migravit anno 422. & optimè subinde calle-
re hoc potuisse. Diuus etiam Augustinus in sermo-
ne 25. ad Heremitas, legimus, inquit, Sanctum pa-
trem Hieronymum Cardinalem fuisse in ecclesia
Sancti Laurentii Martyris. Scio, continuo quosdā
reclamatorios, sermones illos non esse D. Augusti-
ni, neq. à Possidio in indiculo illius operum recē-
seri: proinde tanquam spurios, & nothos reiicien-
dos fore. Non desunt tamen, qui illos sermones, ut
Augustini legant; inter eos est D. Thomas in qui-
busdam locis suę summę Theologiæ. Sed non est
nunc proteruendi locus. Faciamus illos sermones
non esse Augustini, ut isti volunt, saltem alicuius
illos auctoris esse fatebuntur, quātumuis propriū
nomen ignoretur: Nam à nemine hominum con-
scriptos fuisse, aut fieri, aut intelligi nequit. Erit
igitur auctor iste recens, vel vetus. Recens esse non
potest, quum in vetustissimis manuscriptis exem-
plarib. D. Augustini operib. hi sermones interserā-
tur; erit igitur vetus. Ex veterib. autem nemo, nisi
vel ob singularem doctrinam, vel pietatem inter
opera Augustini admissus est: Quales fuerunt, si
historiā respiciamus, inter suos discipulos & coe-
taneos Fulgentius, Eusebius, Prosper, Primasius,
aut Orosius: & inter recentiores, si ad disputatio-
nes

nes & tractatus referamus, Beda, Gratianus, Lombardus, aut Lanfrancus, qui summopere doctrine S. huius Doctoris fuerunt addicti. Quis horum, auctorum illorum sermonum dicatur, momentū aliquod, & pondus huiusmodi testimonium habere potest, & debet. Nisi velinius multa Theologorum dogmata, multa presentissima medicinarum remedia, multa Philosophiæ, & Astronomiæ documenta, multas demum egregias historias refellere, quod earum auctores ignorētur. Porro illius seculi homines melius res gestas & nosse, & tradere posteris valuerunt, quàm ē recētiorib. quispiā. Immo vnicus illius temporis testis plus firmitatis & roboris habet, quàm recentiorum simul ceterua. Nā hic, quod nouit, isti, quod nesciunt edocebunt. Si igitur ē veterum & priorum numero, eum auctorem meritò existimamus nec fallere, aut decipere quenquam in ea re voluisse credendus est. Præsertim quum ex huiusmodi commēto, nihil sibi utilitatis accresceret, nō fauorem humanum aucuparetur, aut auram popularem captaret, nō aliud illi esset emolumentum reportaturus, quàm mēdatii argui, quod notior tunc & manifestior ea res esset, quàm nunc sit. Aut certē si hæc non satisfaciunt, proferāt nobis ipsi ex antiquiorib. aliquem vnum etiā ignotum, qui hoc neget, sicut nos producimus, qui affirmet. Nam qui asserat, quempiā,
qui

De Diui Hieronymi

qui inficietur, neminem, quod sciam, reperimus. Et ut singula expendamus, historia illo sermone tradita aut omninò recipienda, aut omninò refellenda, aut partim recipiēda, aut partim refellēda.

Si omninò recipienda, nulla erit posthac cōtrouersia, quum idem omnes sentiamus.

Si omninò refellenda, stare utiq. nequit, quum multa ex his Hieronymus fateatur epistola 99. scribens ad Asellam; ubi ob seuerè vitia reprehensa insidias sibi quosdam parauisse asserit, falsoq. crimina imponere voluisse, &c.

Si partim rursus recipienda, partim refellenda huiusmodi historia venit, præter rationem utiq. fiet, admittere, quæ velis; recipere, quæ nolis. Nā si fides adhibenda paucis, cur non singulis? cur non omnibus? Quòd si non singulis, neq. aliquib. deniq. fides adhibenda erit. Nam qui in paucis mendaxprehenditur, ubiq. suspectus est, & fide omnino caret. At isti facilè confitentur omnia, singula ferè admittunt, solum factum presbiterum Cardinalem Hieronymum negant, quòd iste auctor inter cetera asseuerat verum, quàm rectè faciant, ipsi viderint. Oporteret enim causas aliquot producere, quare historiam rei gestæ partim rejiciant, quum partim admittant. Quòd si firmas & iustas causas non proferunt, prohibito & temerè agere videbuntur; incusandiq. potius deprauati affectus,

affectus, quàm recti iudicij venient. Refutatur enim historia aliqua, aut quia res & personæ non conueniunt, locus dissentit, aut tempora non coherent. In huiusmodi autem historia, neque res aut personæ dissident, neque locus aut tempora discordant, consequitur ergo difficile à quoquam redargui posse. Nam si de rebus loquamur, constat, nihil repugnare, quominus id fieri valuisset. Romani tunc Pontifices erant, Cardinales Presbiteros, & Diaconos creabant, nouos titolos erigebant, assumebant viros graues, maturos, litteratos, & vndique locorum quæsitos, qui oblatum magistratum probe administrarent. Si personas Damasi & Hieronymi attendamus, fuerunt beneuolentia, & amicitia coniunctissimæ. Damasus diligebat Hieronymum, Hieronymus obseruabat, & reuerabatur Damasum; Damasus res fidei & quæstiones Religionis demandat Hieronymo, vt doctissimo, & maximè orthodoxo; Hieronymus in gratiam Damasi nouum instrumentum, partim correxit, partim è Græco transtulit in latinum; Damasus in gratiam Hieronymi Halleluiah secundum Hierosolymitanæ, & Gloria Patri in fine Psalmorum secundum Antiochenæ Ecclesiæ vsum cantari in Ecclesia Romana præcepit. Officijs alter in alterum certat, vt vterutri potissimum cédendū sit, nescias. Quis credat hoc vnum

B Damasi

*puto, vestam
-num*

De Diui Hieronymi

Damasi officium defuisse, Hieronymum dignitate Cardinalatua insignire? Quod si ad locum descendas: Vnus fuit vtrique communis, vna Vrbs Roma ambos excepit, vna, vt creditur, domus habitatio fuit vtriusque. In partem oneris Pontificij leuandi Hieronymus à Damaso assumitur. Si tempus spectes, triennium Hieronymus cum Damaso tunc Rom. Pontifice transegit summa cum familiaritate & amicitia. Multorum nanque Pontificum Hieronymus iam adultus secula vidit Liberij, Damasi, Siricij, Anastasij, Innocentij, Zozimi, & Bonifacij. Consentiunt igitur res, personæ, locus, & tempus; quid est, quod ultra desiderari queat, vt fides historiæ astruatur? Si enim honor, & dignitas, quædam etiam illo tempore Presbiteratus Cardinalis erat, quid est, quod Damasum auertere potuit, vt coniunctissimum sibi amicum illo munere non impartiretur? Si enim potuit, & non voluit, non tantoperè, vt dicitur, illum diligebat. Si voluit, & non potuit; valdè auctoritas Pontificia constricta & exhausta erat. Quum liberum præsertim Pontificibus esset, in novos titulos Ecclesias erigere, & de mortuis Cardinalibus alios viros egregios subrogare. Occasionem aliquam dices, Damasus expectabat, nulla tamen interim conueniens se obtulit, vt Hieronymum Cardinalitio titulo ornaret. Sapissimè
nanque

namque prætermittunt facere Principes, quæ volunt, quia commodè & opportunè facere nō possunt. At nulla potuit præclarior succedere, ut Hieronymum Damasus honestaret, quàm quæ subsequuta est. Nam per idē tempus non longe à Theatro Pompeiano ædem D. Laurētio Martyri sacram Damasus à fundamentis exædificauerat, in Cardinalitiumque titulum erexerat, ut cuiuspiam viro celebri commendaret. Quid, quæso, conuenientius tūc Damasus facere poterat, quàm Ecclesiæ denuò à se constructæ, & sibi imprimis charæ Hieronymum præficere, cuius sanctimonia & litteræ toto orbe celebres maximā nouo titulo gratiam, apud omnes, & auctoritatem conciliarent? Cui conjunctioni personæ poterat templum sibi coniunctissimum committere. Pulchrè igitur quadrant Damasum ædificare Ecclesiā, in titulum constructam erigere, Hieronymum ad illius ministerium delegare. Si igitur rectè, ut dicimus consentiunt omnia, res, personæ, locus, tempus, occasio, oblata opportunitas & titulus, cur malignè historiam, illo sermone ad Eremitas traditam, & fidem simul auctoris labefactabimus? Nam si consentanea & rationi, & veritati dicit, recipiendus procul dubio nobis esset, sin minus oporteret dissidium, & repugnātiā historiæ demonstrare, ut auctor nobis suspectus allegandus longius foret, manifestique

B 2 possit

De Diui Hieronymi

possit mendacij conuinci. Damnare enim quem-
piam non conuictum prater rationē fieret, quum
iura ipsa reclamant. Iterum si ethnicos auctores
tanto studio à calumnijs tuemur, cur Piorum simi-
li cura monumēta non defendimus? Cur famam
illorum traducemus? Cur illos ceu mendaces &
impostores diffamabimus? Absit à Christiana pie-
tate hoc crimen, vt falsitatis quempiam auctorem
arguamus, si manifestissima nos mendacia non
coegerint. Sed de his tandem dixisse, sat sit.

Ad alios mediæ classis auctores accedamus,
qui inter verustissimos & recentiores medijs collo-
cantur. Inter hos primus se offert Ioannes Kelde
Parisiēsis Theologus, qui vixit anno Christi 1200.
in eo libro, quem de Vitis Sanctorum inscripsit
B. Hieronymi meminit in hæc verba: Hieronymus
tribus⁺ sub⁺ Pontificibus fuit Romæ, & Cardinalis in
Ecclesia S. Laurentij; vndè quum Romanos repre-
henderet de auaritia derisus ab eis, Roma egressus
est, cum Paula & Eustochio, quas in Christi fide
erudierat. Item Vincentius Beluacensis Ordinis
Prædicatorum vir insignis, qui floruit anno Chri-
sti 1244 lib. 16. Speculi historialis cap. 18. Diuum
Hieronymum quum ætatis. 39. annorū esset Pre-
sbyterum Cardinalem Romę asserit. Idem quo-
que affirmat Ioannes de Columna Historicus Ro-
manus Ordinis Prædicatorum, & Archiepiscopus
Messa-

Messanensis, qui vixit anno Christi 1300. Sub Theodosij, inquit, Imperio multi viri claruerunt insignes, & imprimis B. Hieronymus, qui ex Dalmatiæ partibus filius Eusebij fuit, qui Romam veniens ibi baptizatus est, & paulò post anno 39. ætatis suæ Presbiter Cardinalis est creatus. Ioannes item Andreas Bononiensis Iure Cōsultus, qui vixit anno Christi 1300. virgēti deuotione, vt ipse fateretur, ædidi librum, quem inscripsit, Hieronymianū opus. Qui liber in Bibliotheca asservatur Vaticana. inibi namque legitur: Hieronymus quum esset annorum 39. Cardinalis Presbiter ordinatus est ad Titulum Sanctę Anastasię, in quo fastigio, quum multa dignitate, &c. Ioannes item Turre Cremata Ordinis Prædicatorum Episcopus Cardinalis Sabinēsis, qui floruit anno Christi 1440. in quæstionibus, quas super Euangelia totius anni disputauit, & in summa Ecclesię libr. 7. cap. 83. latissimè probat, D. Hieronymum Presbiterum Cardinalem Sanctę Anastasię à Liberio Papa fuisse creatum, diluitq; singulas obiectiones, quæ ab aliquibus in contrarium adferuntur. Auctor etiam sequentię, quæ in missa ipsius Sancti Doctoris in Ecclesia canitur, quam puto antiquiorem esse, quàm debeat in numero auctorum medię classis ascribi, eandem effert sententiam; Cardinalis, inquit, post effectus, ad Orientem

tem

De Diui Hieronymi

tem profectus est abiecto onere. In lectionibus itē vitæ ipsius Hieronymi, quæ in Breuiario ordinis Sancti Hieronymi leguntur, & dicuntur, decerpit ex Augustino, Ambrosio, Liberio, Gregorio idem habetur, Hieronymum fuisse Romę Presbiterum Cardinalem. Et ne pergamus, molesti esse, de auctoribus mediæ Classis hucusque satis.

Veniamus ad recentiores, quos in extrema classe collocauimus. Quorum primus occurrit Ioannes Nauclerus Præpositus Tubigēsis, qui vixit anno Christi 1500. in 2. suæ Chronographiæ libro, Generatione 15. Hieronymum doctorem sanctissimum Romæ Ecclesiæ Presbiterum Cardinalem proficitur. Philippus, item, Bergomensis Ordinis Eremitarum S. Augustini, qui vixit anno Christi 1493. in 9. lib. supplementi Chronicorum eiusdem est cum superioribus sententiæ. Consentit M. Antonius Sabellicus libr. 9. Æneadis 7. Presbiterum Cardinalem Romæ Diuum Hieronymum nominatum. Andreas, item, Barbatia Syculus Patria Messanensis insignis Iure Consultus in tractatu de Præstantia Cardinalium quæstio. 1. communem fore opinionem ait, Diuū Hieronymum fuisse presbiterum Cardinalem: scripsit autem illum tractatum ad Bessarionem Nicenum S. R. E. Episcopum Cardinalem Tusculanum tunc Bononiæ Legatum anno Christi 1470. Philippus præterea

rea Probus non ignobilis, nec contemnendus auctor in 6. Decretalium tract. de Hæreticis. cap. per hoc. in sententiam aliorum descendit. Claudius à Rota Doctor Theologus Ordinis Prædicatorum in vita ipsius Hieronymi subscribit sententiæ etiã superiorum. Laurentius item Massorilus Fulginas in hymno D. Hieronymo dicto, sic canit.

Hunc tantum aspiciens generosi pastor ouilis
Fulgere Cardineo fecit honore virum.

Paulus vltius Morigia Ordinis Iesuatorum in eo libro vulgari, quẽ de Origine, & Progressu inscribit cunctarum religionum, idem multis confirmat cap. 16. Super sedendum censeo à recentioribus reliquis, qui licet plurimi sint, nõ est otium nec consilium singulos euoluere, tum quia ingens fatigatio esset, tum ne fastidium & molestiam legentibus afferamus. Si enim propositi non sufficiunt, quantumcunque plures opponamus non faciet satis. Ad coniecturas ergò transcamus, quæ fortassis alicuius momenti erunt ad hoc factum comprobandum. Constat Diuum Hieronymum ordinatum fuisse presbiterum quum trigessimus ageret annum à Paulino Episcopo Antiocheno, vt ipsemet testatur epistola 61. ad Pamachiũ; & Epiphanius epistola 60. ad Ioannem Hierosolymitanum Episcopum. Quum igitur omnes ferè conueniant, Hieronymum factum presbiterum Ecclesiæ

De Diui Hieronymi

clesiæ Romanæ, peculiare aliquid significare volunt. Nam citra consuetudinem & vsum Ecclesiæ Romanæ erat, alios quàm Cardinales Presbiteros aut diaconos Ecclesiæ Romanæ appellari. Nam si ideò quispiam Presbiter Ecclesiæ Romanæ censebatur, quia secundum illius ritum esset ordinatus, omnes pariter & Presbiteri & Diaconi Orbis Ecclesiæ Romanæ & presbiteri & Diaconi dicerentur. Si autem ideò Hieronymus Presbiter Ecclesiæ Romanæ dicatur, quia Romæ fuit ordinatus, fieri prorsus nequit, vt idem & vnus Antiochiæ & Romæ ordinaretur: nisi velis fateri, bis illum in Presbiterum ordinatum, quòd sacrilegum esset cogitare. Superest igitur, vt Antiochiæ Ordinem Sacrum susceperit, Romæ Cardinalitius titulus accedens, ornamenta dederit Presbiteratus: & cum 30. anno à Paulino Episcopo Antiochiæ, 39. Romæ creatus Presbiter dicatur, necessario colligimus, in altero de simplici presbitero: in altero de Cardinalitio sermonem factum. Sic enim consuevit dici, aliquos Episcopos Presbiteros creari, qui antea Episcopi erant, & Presbiteri: sed creari aut ordinari dicuntur excellentiori modo pristinum gradum Presbiterij aut Presulatus obtinere. Quòd autem Hieronymus Presbiter Ecclesiæ Romanæ speciatim & diceretur, & esset, extat inter cætera testimonium Adonis viri Sanctissimi, pariterque doctissimi

doctissimi Archiepiscopi Treueriensis, qui ante annos extitit 500 tempore Gregorij vii. & ob vitæ summam integritatem tantæ extitit auctoritatis, vt ab eodem Pontifice ad componendas res inter Henricum & Radulphum, qui de Rom. Imperio contendebant, vnâ cum duobus collegis de latere Sedis Apostolicæ Legatus destinatus fuerit. Hic in libro, quem edidit de Vitis Sanctorum, vbi de Hieronymo sermonem facit; Hieronymus, inquit, vestem Christi puer Roma suscepit, ibique litteris græcis ac latinis apprimè eruditus est. Postquam autem omnium mundanarum studium litterarum adeptus est, probatissimorum quoq; monachorum habitum, factumque imitatus est, Romanæ Ecclesiæ postmodum presbiter ordinatus. Hæc Ado. Quæ etiam eodem tenore leguntur in 4. tomo Aloysij Lippomani folio 212. & in lectionibus Breuiarij Dominic. quæ leguntur in natalitijs Diui Hieronymi cum decreto Iulij 3. Rom. Pontificis iudicio, studio, & diligētia virorum doctissimorum, quibus illud negotium fuit in comitijs generalibus Salmaticæ celebratis commendatum, vt amputarentur ab illo Breuiario omnia, quæ videbantur apocrypha, & minus cohærentia, de B. Hieronymo legimus: Hieronymus ingenti doctrina ac sanctitate celebris Romam reuocatur, ac Presbiter efficitur Presbiterum autē Romanæ Ecclesiæ

C clesiæ

De Diui Hieronymi

clesiæ institui, aliter intelligi nequit, quàm nouo titulo insigniri, vt quia antea simplex, speciatim deinde, presbiter Romanæ Ecclesiæ primarius diceretur. Primarij autem presbiteri idem prorsus sunt, qui Cardinales, vt colligitur ex cap. Constantinus dist. 96. vbi hæc verba referuntur: Viris etiam diuersi ordinis reuerendissimis Clericis S.R.E. ~~fer~~feruentibus illud culmen singularis potentiae, & præexcellentiæ habere sancimus, cuius amplissimus noster senatus videtur gloria adornari. Neq; ambigendum est, nomine reuerendissimorum Cardinales intelligendos venire, quum adeò honorificum nomen, non nisi personis in magna dignitate constitutis conueniat, iuxta ea, quæ habentur in cap. In nomine Domini 24. dist.

Trahitur rursus & aliud argumentum ex verbis ipsius Hieronymi in explicatione 3. cap. Isaia, quâuis perperam à Gratiano referatur. 16. q. 1. ex epistola ad Rusticum; Ecclesia habet senatum, cœtum presbiterorum, sine quorū consilio nihil monachis agere licet: Senatum quoque Romani habent, cuius consilio cuncta agebant, & nos habemus Senatum nostrum cœtum presbiterorum. Quam sententiam, quū Archidiaconus explicuisset, dicebat; nomine Senatus presbiterorum quosdam Romanam Ecclesiam intelligere, quæ dicitur habere Senatum, id est collegiū Cardinalium, quibus

quibus Constantinus auctoritatem Senatorū concessit, vt habetur in superius citato cap. Constantinus 96. distin. erumpens in illa verba, vt idem bis repetamus: Viris etiam diuersi Ordinis reuerendissimis Clericis Sanctę Romanę Ecclesię seruentibus illud culmen singularis potentię, & pręcellentię habere sancimus, cuius amplissimo noster Senatus videtur gloria adornari, id est, patritios & consules fieri, nec non & cęteris dignitatibus Imperialibus eos promulgamus decorari. Quum igitur dicat ipsemet Hieronymus, nos Senatum habemus, videtur Cardinalium Collegium insinuare, & se ipsum vt collegam connumerare; quam quidem sententię probat Innocentius de re iudicata.

Est & alia coniectura deducta ex verbis ipsius Hieronymi scribentis ad Geruchium & Monogramiam laudatis, quę sic se habent: Ante annos plurimos quum in Chartis Ecclesiasticis iuuarem Damasum Romanę Vrbis Episcopum, & Orientis atque Occidentis Synodicis Consultationibus responderem, &c. Ex qua sententię facile colligere licebit, Hieronymū ex primarijs Vrbis Romę presbiteris, vnum extitisse. Minus nanque adeo pręclarum respondere consultationibus, quę ad Pontificum ex Orientis, & Occidentis Synodis deferbantur, vt illius sententię, aut probarentur, aut improbarentur, vero haud simile apparet, alteri pre-

De Diui Hieronymi

sbiterorum, quàm Cardinali demandari debuif-
se, neque prouintia ingens & ardua, ad alios hone-
stius, quàm ad Cardinales Presbiteros spectabat.
Quod certè clarius confirmat Damasum ministe-
rio Cardinalium in similibus munijs vsus, non
autem simplicium Presbiterorum, aut Diacono-
rum. Extat enim antiquissima membrana manu
scripta in Ecclesia Charredali Aretina donationē
refferēs, quam quidam Zenobius Senator Roma-
nus eidem Ecclesiæ tempore ipsius Damasi Pon-
tificis fecerat, in qua est huiusmodi subscriptio: Et
ego Ioannes S. R. E. Diaconus Cardinalis ex parte
Damasi Pontificis laudo, & confirmo. Sub oleo
sugillaturos quosdam vim huius rationis, respon-
dentes; Hieronymum à Secretis Damasi Pontifi-
cis fuisse, iuuasseq; illum in Ecclesiasticis Chartis,
consultationibusque Synodicis respondisse, nihil
præter ministeriū Hieronymi in eo munere, in quo
inseruiebat Damaso, significare. Qui vt magister
Epistolarum oracula ipsius Damasi scribebat, di-
ctabat, trans mittebat ubiq; locorum, sicut de mo-
re habent, qui à secretis principum ministri assu-
muntur. Verum hac occasione tam facilè elabi ne-
queunt. Hieronymus namq; si huiusmodi mini-
sterium significare vellet, voce non vteretur arro-
gantiori, & insolenti, iuuare inquam, sed potius
diceret inseruire, aut ministrare Damaso in char-
tis scri-

tis scribendis, neque adderet respondere Synodicalibus consultationibus, sed mitius loqueretur scripsisse, responsa dedisse, transmississe, ordinasse, aut expedisse; non respondere, veluti auctoritatem usurpans, quam ex solo ministerio non habebat. Ministris namque non conuenit, iuuare principes, sed illis obsequi & inferuire. Hoc ad eos precipue spectat, quibus principes arbitrium negotiorum committunt, se ab huiusmodi cura subtrahentes. In hunc more Romanus Pontifex facit, qui in partem Ecclesiasticæ gubernationis Cardinales assumit, quorum opera & consilio ardua, & grauissima negotia disponit. Hi utique iuuare Pontificem proprie dicerentur, unde fratres eos & coadiutores Pontifex vocat, non ministros aut seruos, sicut illos, qui à secretis, à cubiculo, à calicibus, à triclinio, ministrantes assistunt. Aliud igitur longè est, ministrum agere, aliud auditorem, & collegam, & dissimilibus vocibus ministro utendum, quibus non utitur consors. Nec credibile est Diuum Hieronymum, qui tanta ubique modestia, & submissione utitur, tumidioribus solito verbis suum ministerium expresse. Quare cogatur nemo assentire, Hieronymum Damaso à secretis fuisse, hoc unico testimonio proposito, qui in eam rem satis est ambiguum & obscurum. Quum aliqui nolint, tot testimonijs adhibitis, tot coniecturis deductis,

Hiero-

De Diui Hieronymi

Hieronymum Cardinalem Presbiterum agnosce-
re. Quod si liberè plerique agere volunt, pluri-
mum testimonia contemnendo, cur etiam alius li-
ber nō erit, vt vnicum testimonium ob summam
imbecillitatem refellat? Quidam ex hoc loco ar-
guunt, Hieronymum à secretis Damasi, alij ex eo-
dem fonte Presbiterum Cardinalem deducunt. In
quem sensum, quibus potior sit adhibenda fides,
aliorum esto iudicium. Quanquam si magistrum
epistolarum Damasi, & Cardinalem Presbiterum
post pauca creatum, Hieronymum fateamur, ni-
hil piaculi admittemus, quum vtrunque posset
successiuè obtinere, & ambo, Cardinalis & à secre-
tis munia obire: sicut & hodiè videmus Ptolomeū
Gallium Amplissimum Cardinalem Nouocomē-
sem Magistrum Epistolarum Gregorij x i i i. Pon-
tifi. Max. & Hieronymum Rusticuccium Illustris-
simum Cardinalem Fanensem, apud Sanctæ me-
moræ Pium v. idem munus præstitisse. Accedit
demum alia cōiectura ex sententia Augustini, quæ
à Gratiano in decretis recitatur cap. quanquam. 2.
q. 7. in hæc verba; Quanquam secundum vocabu-
la, quæ vsus obtinuit Episcopatus sit Presbiterio
maior, Augustinus tamen Hieronymo minor est.
Vbi dicit Glosa, quod Hieronymus fuit Presbiter
Cardinalis. Idem dicit auctor glosæ finalis in cap.
Placet. i 6. quæst. i. Quibus consentit Cardinalibus

Turre

Turre Cremata in summa Ecclesiæ libr. 7. cap. 83. exponens idem caput quanquam nuper citatum. Quanquã Episcopatus sit Presbiterio maior, scilicet ordine, Augustinus tamen Hieronymo minor est, administratione, scilicet, & dignitate: quoniã Hieronymus Presbiter Cardinalis fuit, & omnis Presbiter Cardinalis maior est quolibet Episcopo non Cardinali, vt quidam dicunt, & refert Hugo in glosa. Hæc sunt verba Ioannis de Turre Cremata Episcopi Cardinalis Sabini, ex quibus & ex textu Augustini & Hugonis interpretatione alicuius ponderis argumentum sumitur. Et vt lucis his non nihil addamus, nomen Episcopi potius est ordinis & officij, quàm dignitatis, licet vtrunq; concernat. Cardinalis autem dignitatis est insigne, nõ ordinis. Hinc Pontifex Romanus quum ordinem exprimere vult Episcopum se nominat, quum autem dignitatem, Papam, vel Pontific. Maximum, quòd ea dignitate cunctis emineat, & vniuersa ei subsit Ecclesiastica potestas.

Addamus postremam coniecturam, quasi coronidem quãdam, quæ reliquis superiobus adiumento sit ex verbis ipsius Hieronymi epistola 99. ad Assellam; Antequam domum, inquit, Sanctæ Paulæ nossẽ, totius in me Urbis studia consonabant, omnium penè iudicio, dignus Summo Sacerdotio decernebar. Vndè colligere licet, tam
clerum,

De Diui Hieronymi

clerum, quàm plebē Romanam propensissimam
in Hieronymum fuisse, dignissimum Pontificatu
acclamasse, studiaque illorum eò maximè incli-
nasse, vt mortuo Damaso Hieronymum subroga-
rent. Auertit eorum animos seuera vitiorum re-
prehensio, quam Hieronymus aduersus plebem,
& clerum rigidus intonabat. Si igitur Clerus, &
Plebs Romana oculos in Hieronymum coniece-
rant, vt in Damasi locū substituerent, consequens
est Presbiterum illum Cardinalem fuisse, quum
seculo D. Hieronymi, & multis retrò annis nullus
ad dignitatem Pōtificiam, nisi Cardinalis assume-
retur. Quod clarius exempla Pontificum mani-
festant. Sanctissimi namque re & nomine Ponti-
fices Marcellus, Miltiades, Magnus Syluester, ex
Presbyteris Cardinalibus, Marcus, Iulius, Libe-
rius, Damasus, & successores eiusdem, Siricius, In-
nocentius Celestinus, Leo magnus, Hilarus ex
Diaconibus Cardinalibus in Romanos Pontifices
assumpti fuerunt. Sex successiuè Pontifices ante
Damasum, octo post Damasum Cathedam Pe-
tri Cardinales ascēderunt. Nam superioribus post
Damasum tres alij Cardinales Presbiteri adnume-
randi Zosimus, scilicet, Bonifacius, & Sixtus III.
Si igitur nullus qui esset extra collegium Cardina-
lium ea adsumebatur ætate administrādo summo
illi magistratui, miraculi loco esset, oculos cōijcere
in Hie-

in Hieronymum, ut Pontifici non Cardinalis substitueretur. Multa huiusmodi possent in confirmationem huius sententiæ adduci, & replicari: Sed ne diutius molesti simus, ad traditiones veniamus, quæ maximum habent, & semper habuerunt momentum ad veritatem aliquam roborandam.

Ante annos 300. consuevit, D. Hieronymus in muris templorum, & in tabulis tum publicis, tum priuatis depingi cum Cardinalitijs insignibus, paludamento, scilicet, pileo, & galero purpureis. Extant enim & durant ad hunc usque diem picturæ antiquissimæ, quæ hodiè in templis etiam vetustissimis visuntur, quæ depræhenduntur trecentos annos vel attingere, vel superare, testimonium subinde reddentes tanquam taciti; & multi testes, D. Hieronymum presbiterum fuisse Cardinalem quadam veluti traditione per tot tempora deducta, & à maioribus suscepta, & probata, res procul dubio confirmatur. Non aliter certiores reddimur, Diuum Christophorum proceræ & giganteæ cuiusdam magnitudinis extitisse, quàm picturarum attestazione, quæ solent in templis & ubique locorum esse frequentissimæ. Et licet Sæculo D. Hieronymi purpura non induerentur Cardinales, nec galero, aut rubro pileo vterentur; quum pileus ruber primum ab Innocent. 4. ad honestandum cum magistratum excogitatus sit anno Chri-

D sti

De Diui Hieronymi

+
plurimum,

sti 1244. Purpureæ autem vestes, & galerus à Paulo 2. Pont. Max. Veneto anno plurimū minimum uē. 1466. tamen viri pij eo modo depingere consueverunt ornamenta, & insignia Cardinalium antiquorum, qualia nunc in usu recentioribus existūt. Sic D. Petrum, & illius in Pontificatu successores, vsque ad Syluestrum magnum, mitratos, & pluiatos depingimus, quanquam nondum vsq; ad ætatem Constantini Cæsaris ea ornamenta à Pontificibus gestari sint solita. Sic sanctas Virgines habitu, quo nunc puellæ incedunt; Sanctos Apostolos, & Martyres vestibus depingimus nobis familiaribus. In eundem fermè modum antiquos Cardinales purpuratos pileo, & rubro galero insignitos exprimimus, quod habitum ornamenta & insignia, quæ sua ætate gestauerint, ignoramus.

Accedit ad hæc consensus multis retrò sæculis non solum popularium, sed etiam virorum eruditum, qui in ea communiter persistunt sententia, ita autumant, ita scribunt, ita docent in publicis & priuatis colloquijs, vt nullus cuiuspiam dubitandi locus relinquatur. Quotus enim quisquam est, qui se audeat opponere multitudini? Eruditi fauent, ineruditi affirmant, viri & fœminæ, senes & iuuenes, puellæ & pueri in eandem coniurarunt sententiam. Quid est, quod nos etiam non concordare debeamus? Non est profectò contemnenda

da concors & vnanimis multorum sententia, quæ si non efficax argumentum, maximam saltem res, in cuius confirmationem inducitur, vim & opinionem facit. Descendamus tandem ad obiectiones propositas diluendas, quod vltimo nos loco facturos polliciti sumus.

Nemini admirationem moueat, Diuum Hieronymum à plerisq; Presbiterum solum dici, nec ipsum aliter, quàm Presbiterum se subscribere, id nomen semper in Ecclesia Romana honoris fuit: legimus enim duos presbiteros ab vno vel altero Pōtifice ad Concilia missos, vt in eis loco ipsorum Pontificum præsiderent. Quòd ne vtiquàm fieret, nisi illi, qui simpliciter Presbiteri dicuntur, Cardinales essent. Alij. n. simplices Presbiteri in Cōcilijs nec loquendi quidē, tantum abest, vt ceteris præsidenti locum vnquam consequuti fuerint. Absurdum namque esset sentire Summos Pontifices Romanos adeò illis excellens ministerium demādas- se, quò vniuersis Episcopis in generatibus Synodis congregatis superiores constituerentur. Multoq; minus admirandum erit, si ipse Hieronymus eo titulo non vtatur, quum hoc ætate Hieronymi cōe fuerit, semper eam excellētiam in subscriptionibus suppressere, nec se rarissime Cardinales appellare. Quū. n. in concilijs à Beatissimis Pontificibus, Simacho. i. mox Gregorio Magno celebratis,

D 2 quàm

De Diui Hieronymi

quàm plures tam presbiterorum S.R.E. Diaconorum subscriptiones inueniantur, nemo tamen illorum se Cardinalem appellat, sed sic subscribunt; Ego Ludouicus S.R.E. Presbiter, titulo S. Laurentii me subscripsi. Inibi que nusquam [quòd certè animaduersione dignum est,] Cardinalis est mentio. Quum tamen nemini ambiguum sit, ea tempestate & Presbiteros & Diaconos Cardinales plures extitisse. Ideò verò ab ea appellatione, veteres illos abstinuisse crediderim, tum quia per illam in illo peculiari ordine reponeretur, quos Ecclesia sacros uocat, tum verò submissionis causa, quum sublime aliquid sciret Cardinalis nomen, quo primarius & præcipuus inter ceteros Presbiteros, aut Diaconos notabatur. Accedit ad hæc, quòd id nomē illis temporibus erat quidem titulus additus officio Presbiterorum Parochorum, qui ob excellentius ministerium potiori nomine vocabantur, & ferè vt nunc diceremus, Reuerendissimus, & Illustrissimus, sic tunc Cardinalis, presbiter dicebatur. At nunc quis, quæso, Cardinalium Illustrissimum & Reuerendissimum se subscriberet? Ita Sanctissimos Martyres Laurentium & Vincentium Diaconos Cardinales à Xisto papa creatos constat, quos tamen non nisi leuitas veteres appellauere. Quòd autem essent Diaconi Cardinales liquet, tū quòd Xisto in sacris ministrabant, quod

munus

munus nemini præterquam Cardinalibus cōces-
sum, tum quia illorum alter Laurentius, scilicet,
thesauros Ecclesię sub custodia sua asseruabat, qui
semper alicui Cardinalium, quem hodie Camera-
rium vocant, dispensandi, & asseruandi commit-
tuntur.

Transeamus ad alteram obiectionem, qua op-
ponitur; auctores qui hanc historiam memorię
tradidere, varios inter sese esse. Parum sibi consta-
re, dum hi Sanctę Anastasię, illi Sancti Laurentij
martyris Hieronymum Presbiterum Cardinalem
faciunt. Quibus facilè esset respondere, vtrunque
successiuè potuisse fieri; & quòd primò ad titulum
Sanctę Anastasię sit nominatus, deinde à titulo
Sanctę Anastasię ad Sancti Laurentij martyris sit
translatus. Nam quotidie videmus, huiusmodi
mutationes fieri, & de vno titulo in alium quem-
piam Cardinales à Pōtificibus transferri: aut quia
tituli sunt honoratiores, vel certè opulentiores. Sic
olim fieri satis compertum est, vt in antiquissimis
diplomatibus videre licet, & quod hodiè in vsu
est, ab antiqua mutandi titulos consuetudine ema-
nauit. Colligitur ergo, duos successiuè titulos ab
eodem Pōtifice Damaso, Hieronymo collatos, ita
vt vno relicto alterum obtineret. Intellexi enim
intra paucos dies Pōtificatu Sanctissimi Pij v. Car-
dinalem quēdam quatuor titulos mutasse. Quare
miran-

De Diui Hieronymi

mirandum non est, si D. Hieronymus vnum intra annos aliquot solum mutauerit. Quod autem Ioannes à Turre Cremata Cardinalis Sabinenfis à Liberio Hieronymum Cardinalem factum quum trigessimum nonum ageret annum tituli S. Anastasiae præter aliorum opinionem tradat, ingenuè fateor, me intelligere nõ potuisse, nec verisimile apparere, quum ratio temporum satis dissentiat: Cõstat enim Diuum Hieronymum ex hac luce migrasse nonagenario maiore anno Christi 422. Vnde si retrò cedamus per tẽpora Romanorum Pontificum, reperiemus, natum illum 16. Pontificatus Magni Syluestri, anno à 16. autẽ Syluestri Pontificatus, anno vsque ad obitum Liberij Papæ 36. tantundem anni fluxerunt. Quare si à Liberio Papa Cardinalis factus est Sanctæ Anastasiae Hieronymus, non potuit triginta nouem annorum etatem attingere, vt iste auctor affirmat, vir alioqui doctissimus, & de Christiana religione benè meritus. Condonandus est lapsus, si pro Damaso Liberium reposuit. A Damaso igitur & non à Liberio Hieronymus Cardinalis Presbiter creatus, Sanctæ Anastasiae primùm, deinde S. Laurentij martyris. Nec obest hæc parua offensiuncula, si vno auctore nonnihil cespitante, ceteri concordēs scopum attigerint, & D. Hieronymi Cardinalatum citra calumniam, & imposturas defenderint.

Sed

Sed iam tandem vltimum, quod nobis obijciebatur, diluamus. Ætate, inquam, illa Cardinalis nomē inauditum & inconſuetum fuiſſe. Quare errare eos, qui intra illorum magiſtratum ordinem, D. Hieronymum reponunt. Sed proculdubio decipiuntur ipſi, totoq; cœlo à veritate deuiant: nam initium & titulorum, & Cardinalium antiquiſſimum in Eccleſia Romana fore ambigit nemo; qui ſaltem in hitorijs mediocriter eſt verſatus. Nam Damasus in libro, quem inſcripſit de Vitis Summorum Pontificum, titulorum conſtitutionem tribuit Cleto, quod etiam ex Damaso refert Anaſtaſius Bibliothecarius, & ex vtroque Ptolomeus à Luca probatę fidei auctor, qui vixit anno Chriſti 1200. in eorundem Pontificum hitoria, quæ in Bibliotheca Vaticana aſſeruatur. Hic Cletus, vt Damasus ſcribit, & ex Damaso refert Bibliothecarius, 25. titulos in Vrbe ordinauit. Deinde Higinus v 111. poſt Petrum Apoſtolū Pontifex circa annum Chriſti 190. in vnoquoque titulo ſeu paręcia plures eſſe Presbiteros ordinauit, quū vnus, vt antea erat, creſcente Chriſtianorum numero, non ſufficeret. Quòd, vt diximus, ex verbis Damasi repetit Anaſtaſius in hæc verba; Hic Clerum compoſuit, & diſtribuit gradus. Hinc prodijt prima Cardinalium inſtitutio, vt is Presbiter Cardinalis ſeu principalis diceretur, qui cęteris in
eodem

De Diui Hieronymi

eodem titulo superior existerat. Satis enim constat, aliquot annis post Higinium etiam ante Beati Syluestri tempora Cardinalis nomen in Romana Ecclesia usurpari ceptum fuisse, quod non nisi ex Higinii Papae instituto oriri potuit, quum antea eo nomine opus non esset, quod singuli Presbyteri singulis titulis sine aliorum consortio praesiderent. Quod autem Diuus Hieronymus ex his presbyteris vnus esse potuerit, qui Cardinales sunt appellati, neque temporum ratio, nec institutio titulorum, aut ipsorum origo Cardinalium repugnat, quo minus id credere debeamus. Quum ante aetatem Hieronymi centum annos vel circiter non solum nomen, sed dignitas Cardinalitia in Ecclesia Romana viguerit. Si quidem in Synodo Romana sub Sancto Syluestro i. cui interfuit Constantinus Imperator anno Domini 314. cap. 3. sic legitur: presbyter autem Cardinalis, nisi 44. testibus, Diaconus autem Cardinalis alias Cardinarius constitutus Urbis Romae nisi 36. non condemnabitur. Quod Gratianus in decreta transtulit. 2. q. 5. in haec verba: praesul non damnetur, nisi 72. testibus; presbyter autem Cardinalis, nisi 44. testibus non deponatur; Diaconus autem Cardinalis Urbis Romae, nisi 28. testibus non condemnabitur. Quod decretum citatur à D. Thoma. 2. 2. quest. 70. articul. 2. in 3. argumento, & cap. 6. statuitur, ut
Diacones

Diacones non essent plures per parætiarum examen, quàm duo: Cardinales autem vrbis Romæ 7. ita tamen vt Dalmaticis vterentur, & Palla linostmia eorum læua tegetetur, & in 7. capit. eiusdem Synodi sunt hæc verba. Ita quoque Syluester clara voce dicebat ad Episcopos, qui 284. in ea Synodo p̄sentes erāt, vt à Subdiacono vsq; ad lectorem omnes subditi essent Diacono Cardinali Vrbis Romæ, in Ecclesia honorem repræsentātes eidem. Prisca igitur Cardinalitia dignitas, & amplissimus iste senatorum Pontificiorum ordo ante Hieronymi ætatē institutus & propagatus est, vt nemini hinc liceat dubitare, Hieronymum in illum Senatū à quouis sui temporis Pontifice cooptari potuisse. Nec mouere quenquam debet, quòd in cap. Sancta Romana Ecclesia 15. distinctum auctorum piorum opera recensentur, & eorum lectio fidelibus commendatur. Opuscula etiā B. Hieronymi presbiteri interseruntur, non tamē addatur Presbiteri S. R. E. vel Cardinalis; sicut factum est, quum Opuscula S. Ioannis Chrysostomi referuntur, dum dicitur: Opuscula Beati Ioannis Constantinopolitani Episcopi. Quòd si D. Hieronymus Presbiter Cardinalis fuisset, nō esset ea commendatione destitutus, sicut nō prætermisus est, S. Ioannes Chrysostomus, qui Episcopus simul Constantinopolitanus insinuaretur. Non inficior

E in

De Diui Hieronymi

in illo Gelasii Papæ decreto Hieronymū non Cardinalem, sed Presbiterum dumtaxat vocari, contrario Cyprianum, Athanasium, Basilium, Hilarium, Augustinum Episcopos; verū nō fuit adeo curiosus, & sollicitus Pontifex in huiusmodi titulis congerendis, contentus docuisse, quos auctores legere vel fugere Christiana plebs debuisset. Præsertim quū nomen Presbiteri sapissimè cum Presbitero Urbis Romæ, aut Presbitero Cardinali apud priscos coincidat. Quòd inter alia egregiè probat contextus accusationis & purgationis Polychronij Hierosolymitani Episcopi Pontificatus Xisti III. quæ refertur. I. tomo conciliorū ab Archidamo Presbitero ca. 7. in hæc verba: Xistus Episcopus Urbis Romę conuocauit vniuersam Synodum Episcoporū & Presbiterorum Romanorum, clerosque in Basylicam Constantinianam, & ibi sedens cum Episcopis Cleroq; de omni Vrbe Roma astante. Seditibus itaque 81. Episcopis, & 48. Presbiteris, & 6. Diaconibus, &c. Presbiteros vocat & Diaconos eosdem, qui & Cardinales erant. Nam paulò post subiungitur; Ordinauit autē vniuersa Synodus, & elegit de suo ordine tres Episcopos Castum, Fœlicem, & Abundium, & tres Presbiteros Urbis Romæ Archidamum, Petrum, & Demetrium; & duos Diaconos Ciues Romanos Lollianum, & Leonem, & misit eos Hierosolymam.

folymam. Est cap. 8. & subscripserunt omnes in
 eius damnationem Episcopi, numero 76. & duo
 Diaconi Cardinales Romani, & tres Presbiteri, &
 tres Episcopi, qui directi fuerant, concluderunt,
 subscribentes in eius damnationem. Qui antea
 simplices Diaconi referebantur, post pauca Cardi-
 nales esse dicuntur. Idemque prorsus de presbite-
 ris concipio. In epistola item que à Concilio A-
 fricano ad Bonifaciū 1. Urbis Romæ Episcopum
 mittitur, hæc referuntur; Quoniam Domino pla-
 cuit, ut de his, quæ nobiscum egerunt Sanctifica-
 tus nostri, cœpiscopus Faustinus, & compresbite-
 ri Philippus, & Ascellus, &c. Quos compresbite-
 ros appellat, constat; Cardinales extitisse. Et pro
 Bonifacio Pontif. Romano legentes præsedisse in
 eodem concilio. Quo etiam loquendi more uti-
 tur Damasus Hieronymo scribens: Damasus, in-
 quit, fratri & compresbitero Hieronymo in Do-
 mino salutem. Et ibidem in fine subiungit: Peto
 ergo per fratrem & Compresbiterum nostrum Bo-
 nifacium, ut lubeat fraternitas tua rei huius nobis
 aperire vestigia. Liquet autem Bonifacium, hîc
 à Damaso Compresbiterum appellatum, Cardi-
 nalem fuisse, & ex Cardinali Pontificē Romanum
 creatum, post Damasi, Siricij, Anastasij, Innocen-
 tij, & Zocimi Pontificatus: Quare eosdem presbi-
 teros, & presbiteros R.E. & S.R.E. presbiteri Car-

obony?

E 2 dinales

De Diui Hieronymi

dinales aliquando appellatos deprahendo. quare nō ab re mihi colligere videor, & à Gelasio Hieronymum antonomaticos presbiterum appellatum, quod quum post pauca ibidem Orosium, & Seduliū recenseret non illos presbiteros dixit, qui tamen proculdubio erant, vt aliquid in Hieronymi Presbiterio peculiare insinuaret. Vnde ordinem quendam sequutus, primo loco Episcopos numerat, mox Hieronymum adiungit, postremo Sedulium & Orosium commemorat. Sed Hieronymum Presbiterum inducit, reliquos autem supprimit: cum soli Hieronymo honorem attribuēs, qui non simplex, sed S. R. E. presbiter habebatur. Accedit ad hęc tempore Sanctissimi Papę Gelasij, qui vixit in Pontificatu anno Christi 492. minorē multò rationem Cardinalium habitam, atq; nūc. processu temporis factū est, electione Pontificum ad Cardinales deuoluta, abrogato abusu Cæsarū designandi Episcopos Romanos, aut confirmandi, Clero & populo Romano à ferendis suffragijs, vt solebat, excluso, vt amplissimus hic ordo, clarissimusque sicut hodie cernimus, euaderet. qui plurimis deinde titulis & honoribus à diuersis Pontificibus honestatus, Innocentio III. præsertim, & Paulo II. Veneto in splendorē ac gloriam præsentem erupit. quum parum ante Gelasium Cardinales longē Episcopis inferiores haberentur. In
Synodo

Synodo namque Nicena Osius Episcopus Cordubensis duos Presbiteros Cardinales præcessit, qui simul cum ipso legationis vice pro Beatissimo Papa Syluestro fungebantur. Primus Osius sedit, proposuit, & decretis concilij in hunc modum subscripsit: Osius Episcopus ciuitatis Cordubensis prouintiæ Hispaniæ dixit; ita credo, sicut superius scriptum est. Demum Cardinales Presbiteri subsequuntur; Victor & Vincentius Presbiteri Urbis Romæ pro venerabili viro Papa, & Episcopo nostro S. Syluestro subscripsimus, ita credentes, sicut supra scriptum est. Et post Gelasium idemtidem in Concilio Romano sub Gregorio 1. tempore Mauritiij, Tiberij, & Theodosij Augustorum, Pontificatus eiusdem Gregorij anno 5. qui incidit in Christi annum 594. prius cuncti Episcopi subscribunt, posterius 35. Cardinales Presbiteri, qui in illa Synodo interfuere. Nullus etiam illorum Cardinalis enuntiatur, sed tantum titulos Ecclesiarum, quibus præficiebantur, adiungebāt. Vnde non est difficile, colligere, Cardinales, qui ea ætate viuebāt, presbiteros dumtaxat, aut certè Presbiteros Romanæ Ecclesiæ de more vocitatos. Esse, quàm dici Cardinales, utique malebant. Quam consuetudinem sui temporis lequutus Beatissimus Papa Gelasius, solum Presbiterum Hieronymum vocauit, non simplicem, sed Romanæ Ecclesiæ Cardinalem aut primarium

De Diui Hieronymi

marium innuendo. Et de obiectionibus propo-
tis tandem satis, quibus pro tenuitate ingenii mei
videor abundè respondisse. Nihil igitur residuum
nobis est, quòd vltra præstare debeamus, quum
id, quod à principio polliciti sumus, satis superq;
absoluerimus. Si ergo quæ diximus tot illustrium
virorum testimoniis cōstantia & firma sunt, quid
nitemur Sanctissimum Hieronymum quantula-
cunque hac gloriola deturbare? Si adeptus, si pru-
denter eum magistratum administravit, cur nolu-
mus, illum habuisse? Repeti non possunt, quæ tri-
ginta annis pacificè possidētur, & post mille à Hie-
ronymo, quæ cunctarum gentium consensu, & pa-
ce obtinuit, auferemus? Paucorum temporum spa-
cium sufficiens est, vt res etiam aliena in dominium
transeat bona fide occupātis, & tot, quæ praterie-
re sæcula non sufficient, rem sibi propriam Hiero-
nymo vindicare? Reclamet, & litiget, quantum
velit, Erasmus, debachetur in patres Purpuratos,
Sanctissimum Hieronymum à Collegio, & socie-
tate Cardinalium militatur deturbare; nusquam
tamen proficiet, quod tentauit. Retrahere enim
homines ab ea opinione non poterit, quam semel
imbiberūt; imò eò tenacius infidebit animis pio-
rū, quò ipse acrius labefactare conatur. Neq; val-
de curādum est, si vnus nobis Erasmus aduersetur,
homo ad calumnias & irrisiones natus, qui nihil
sibi

sibi antiquius duxit, quàm traditiones impugna-
re, cæremonias singulas euertere, & demum demo-
liri, quæ pietatem sapiunt cuncta. Atque is præ-
terea fide caret, cuius monumenta omnia, vt reli-
gioni infensa, Romana censura vt suspecta abro-
gantur. Quòd si paucorum testimonia rem am-
biguam, cur multorum nō facient certam? Si pau-
corum sententiæ sat sunt ad refellendum, cur tan-
torum non sufficient prorsus ad probandum? Mo-
numenta pleraque periere priscorum auctorum, *quæ?*
si extarent, forsitan non laboraremus. Nunc quia
reparari intercisa nequeunt, selectorum virorum
lectione destituimur; fidem paucis, qui superfue-
runt, necesse est tribuamus. Et quando cætera præ-
sidia defuissent, communis consensus & antiqua
traditio ad astruendam fidem præstitisset. Si enim
Gentilitia insignia vetustis marmoribus, aut sepul-
chris insculpta antiquitatem, atque nobilitatem
alicuius familiæ testantur, cur non picturæ & *sculpturæ?*
~~picturæ~~ tam longa ætate in templis asseruata, & à
maioribus quadam approbatione susceptæ longè
firmius testimonium reddēt Cardinalatus Hiero-
nymi? Cur igitur Collegium Illustrissimum Car-
dinalium tanto collega priuabimus? Cur illis tan-
tum lumen eripimus? Cur ab amplissimo ordine
Sanctissimum doctorem inuidētes subtrahimus?
Quid incommodi ex huiusmodi fide alicui infe-
rimus?

De Diui Hieronymi Cardinalitio.

rimus? Quid iniuriæ irrogamus? Quid gloriæ cuiquam adimimus? Si in Cœlis aliqua gloria pro eo magistratu probè administrato respondet, in terris, par est, humana etiam conferatur. Si iusta, si consentanea, si verisimilia suademus, quid obstat, quò minus ea recipiatur sentētia, quę pietati concors, honori, & gloriæ sanctissimi Hieronymi suffragetur? Si demum testimonia primæ, & mediæ, & infimæ classis auctorum consentiunt, si coniectura docent, si traditiones eandem nobis veritatem insinuant, non est profectò quòd de presbiteratu Hieronymi Cardinalitio dubitemus.

F I N I S.

R E G I S T R V M.


* A B C D E.


Omnes sunt Duerniones.


V E N E T I I S.


Apud Dominicum Nicolinum.


M D L X X X I I I.











005647 2 46

